

嘉靖建寧府志

地310.117
1275
部三:9



建寧府志卷之十七

學校書院社
學附

學校之設其來已久閩中則始於唐前此無足
徵也 明興而其制大備若社學以養童蒙固
黨庠術序之意而書院以崇祀先哲則亦以風
勵云耳目並列之

建寧府儒學在府治東北中和坊黃華山之支
隴三皇堂故址按舊志唐常袞為福建觀察使

建寧府志卷之十七

余成廣二百十

始教閩人以學時未有學校之制至宋寶元十
一年始詔建州立學賜田五頃瞻士熙寧間設
教授一員時學在郡治南趙氏坊文廟在建溪
門內之東元豐中賜田至十頃崇寧大觀間行
舍法生徒衆盛增至三百餘間建炎燬於兵郡
守劉子翼重建學舍并立文廟於學紹興十四
年學圯於水禮殿獨存十五年守張銖漕使徐
琛馬純合請于朝得錢二十萬庀工重建郡人



范寅秩繼領漕事踵而成之前為禮殿及兩廡

後為明倫堂列十二齋東進德博文力行彙征揚名升俊西尚志羨身

義榮上達堂之北構御書閣倉庫厨湑厩舍咸

備附錄胡寅重建州學記建州張侯銖仲來

留神教化凡庠序之事已廢缺頽靡者咸振舉

之仰惟明倫善俗德意宣溼銖也既幸於欽承

詔旨而前後三漕使馬徐范公請于朝給錢二

千萬聽郡司委吏屬敦匠董役告成藏事如圖

所寫此侯藩大典也當書而君建人也孔為建

人書之不乎寅曰是則不敢辭其如僕學不文

請改屬能者既再三不獲命乃次此所見聞而

言曰吾鄉山川奇秀土狹人貧讀且耕者十家

建寧府志卷之十七 二 余成廣百三

而五六三歲大比于春官奏名射策視諸方取
數為多蓋自唐常袞觀察本道以文藝興勸而
昌黎先生表著歐陽詹之行義警動後進至于
今而益盛風移俗易其來遠矣本朝學法無慮
數變元豐中賜建州學田十頃增其序宇崇寧
舍選之制隆治則又斥大而華侈之歲在丁未
蕩于內訌紹興二年秘閣劉侯子翼來作守掃
土創立累政相因亦既就緒甲子五月巨浸冒
城推激漂散其獲存者獨大成殿耳自是徐公
經其始馬范二公國厥中而張侯成厥終起乙

丑之春盡冬月為一堂十二齋門廡庖庫咸備
取後建教官寓舍而峙閣其北以貯御書經籍
雲漢之章與洙泗之風昭回薰播作新多士摠
衣負笈來遊來處者蒙幸至厚一時盛觀震耀
既粵是可記也古之學者必有師師弟子莫嚴
於顏氏子之於仲尼故始入學必釋菜用幣若

春秋仲月上丁日必釋奠大合樂今學者往往
 嘗病後世以為無師也頗乃大言曰吾知師孔
 子而已茫乎泛然涉波而窺藩問其潛心請事
 就有道而正焉者何謂則瞠莫置對豈不作於
 事師之名而歎夫為弟子之實也乎昔者顏子
 不遷怒不貳過不遠復不違仁見稱於聖人以
 為無能繼之者而回之自述則知堅高之難及
 而致鑽仰之功見卓爾之難親而興瞻忽之歎
 師弟子之相期如此彼於功蓋天下名載終古
 未數數然也况下此者寧足道耶一日問為邦
 聖人遂舉四代之美治兼一王之成法而告之
 是所以宰制大物弛張質文陶動植於中和措
 烝民於禮樂其事偉矣自世俗觀之瓢飲簞食
 蕭然陋巷孜孜克己之人而能與於此豈不大
 有逕庭乎曾不知禮義悅心則關百聖俟千載
 而無疑權度在我則稱輕重揆長短而靡忒其

建寧府志卷之十七 三

五百八十六

舍藏之泊爾用行之繁然亦直寄焉耳然則學
 而成是德用而見是效辟夫藝黍稷稻粱者不
 生在菽麻麥之實决也河出崑崙則必經營中
 國而入于大海矣寅嘗即是以求學者之失蓋
 不尚志而親師一也膠陋護舊憚於擇善一也
 指記誦詞藻為事業一也用於覺舉于祿而已
 矣一也不得之或嘆儒官誤身棄而他從一也
 既得之視故習猶兔蹄蟬蛻馬一也效官充職
 以柱後惠文支梧一切謂政才學術本自異科
 一也進乎此者知有上達之理矣乃不探索於
 語孟之微易之幾詩之深書之要春秋之奧則
 取遁辭小道兀焉而宅心一也嗚呼豈無抗志
 大慮凌高邁遠晞顏若孔之徒與誠得其門造
 其堂齊其截雖謂後世咸無足師而吾直以仲
 尼為師何不可之有寅既為侯記學之廢興又
 申言此告子佩之同志者侯不以為言之贅也

則請鑿之石

守陳正同又於堂之左右建胡文定游御史祠

詳見右蹟守范致虛又立碑載七邑衣冠爵里

姓名於其上碑淳熙十一年守趙彥操重脩廟

學又設九位以列諸經諭闢射圃於西序隙地

守黃適葉時相繼葺治時又增闢小學附錄真德秀重

脩府學記○寶慶紹元之物年天官尚書葉公

以顯謨閣學士出牧建安清心劬窮以治以教

期年民各遂于理顧瞻類宮實維本原風化之

地繇慶元後曠弗克脩垂三十祀茲奉天子命

寔來固將為國毓材以俟舉選如寶壁玉如護

倚桐惟茲攸居其可弗飭乃命屬役於僚吏之

能者而以郡博士董之先葺大成殿次及十六

齋又次及于三賢堂然後增闢小學起孟秋甲

辰迄九月甲寅功用成於是學正葉端甫等書

來俾識厥事德秀於鄉邦為後進誼不可以先

長者請固辭而端甫等書再至諭勉逾力既弗

獲終辭則誦所聞以告曰諸公所為命僕者豈

欲相與講明為學之大指歟夫格物以致知昔

者聖人示人之王法也講以繕脩之役明之今

咎泯又如圯漏者之可以復完闕齋者之可以
新也夫忠信篤敬學者立德之基剛毅木訥學
者任重之實而辭章華縟特藻飾之美耳聖門
教人具有本末故曰行有餘力則以學文亦何
異基址之固而後棟梁可施棟梁之安而後丹
雘可設也夫繕脩一役耳而為學之理具焉自
是推之則九天下之事物物即器而道已存
由粗而精可見知至之功不難進矣雖然學豈
徒知而已蓋學聚問辯而必以居行繼之博學
審問而必以篤行終焉斷斷乎不易之序也易
中庸之旨不明學者始以口耳為學講論踐履
析為二致至其甚也以利欲之心求義理之學
以理義之說文利欲之私而去道愈遠矣然則
致知力行交勉並進豈非學者用功之至要哉
又豈非賢邦君所望於吾州之士者哉若夫賦
役之凡調度之目在故府可覆此不書公名時

建寧府志卷之十七

五

五百平德

字秀發 括蒼人 端平二年復燬於兵惟禮殿及數齋僅

存守姚珪重建明倫堂 附錄劉克莊重建明倫

庠端平乙未四月辛巳之變燔官寺幾盡而學

幸存獨明倫堂毀焉姚公來為尹漕先教而

後政緩解而急學相攸於冬明年仲春堂成以

餘材新師弟子之居屬余記之昔者唐虞三代

教人之法具存于經高之所敷箕子之所陳莫

不以倫為首三綱同然之理五常固有之善同

然者均賦於夫固有者無待於人而古人汲汲

於明是理者何哉蓋理與欲對善與利對理不

勝欲善不勝利同然者有時相遠固有者有時

不存矣嗚呼固不可以不講歟故夫人有聖有
愚理未嘗偏倫有常有變人鮮能盡參哲夷齊
常也舜申生變也常易處變難處申生不以親

之毫而墮其恭舜不以弟之傲而廢其友處變而不失其常倫之不容釋如此匹夫匹婦愚也周孔聖也愚者能之聖或不能焉周公不愧於仁智夫子謂未能事於君父修至於聖而不忘自微倫之難盡如此六經載此者也君師倡此者也禮樂刑政扶此者也學校講此者也有所講則有所明矣公之致美於是堂豈為學者角詞藝媒利祿之地哉群居肄習篤守力行今日之竭力於親異日之盡節於君者也今日之修於家異日之措於天下者也今日之稱於宗族鄉黨異日之行於蠻貊者也成为材造士自嘉熙斯堂始斯堂之新自姚公始不可以不記

中漕使王伯大重建御書閣閣下祀游胡諸賢郡守黃壯猷又撤殿宇重新之淳祐初漕使方

建寧府志卷之十七 六 卷四百八

大琮更議右廟左學前殿後閣之制以付博士

趙陞夫乃為殿于學西又明年建尊經閣安撫

徐清叟漕使項寅孫庾使李昂英趙綸蔡籥守

正埜王拯皆捐金以相其役直北建紫芝堂又

建明倫堂堂後構閣列十齋脩身誠意正心格物致知篤行明辨

謹思審問博學附錄王遂重建府學記 國朝人物莫盛於東南學問之美亦未有盛於建安豈惟地大物繁舉輩出抑先儒之教有以倡之於先後進之才有以和之於後然而學不能於家者人熟道未至於躬行心得者由夫共理之寄不能倡率於其上則成學之效固難以責

備於其下也建之有學尚矣百年之澤既久而
 一日之功未聞其故何也渡江創始時見致堂
 胡公為之記寶慶更新時則西山真公為之記
 游胡並祀則南軒張公晦庵朱公咸記之當是
 時游胡祖述周程行於閩嶠名公鉅儒項背相
 望足以表章中興之盛及周程之教至朱氏而
 興四方學者輻輳雲集足以光昭道化之美自
 孔顏曾孟之後千七百年廢壞而不明弊陋而
 無統者如日月開霽星斗照耀無復難知難行
 之慮矣然而國家之戒令方新學術之源流易
 遠其有不溺於時王之制者鮮矣是以民安於
 性之微而不肯從事於隆師親友之勝士忘其
 習之徧而未必真有切問近思之美不幸而知
 識高廣則陷於異端而無復大道中行之盛幸
 而志念平實則溺於章句而非有通經學古之
 益其玩意燈息者懷書挾字以志科舉之得而
 脫迹場屋者計日累月以求利祿之榮其大者
 以經術政事為兩塗而不加之力其小者以駢
 麗詩歌為一括而謬用其心又其甚也窺竊大
 道鼓舞後生而去聖門之教益遠雖有豪傑者
 出卓然自立也難矣然則道之不行不明也豈
 皆知賢愚不肖之過哉性善之說不傳於後世
 脩道之教無與於生民故也本朝表孔顏曾孟
 以覺民聖上尊周程張朱以立教親灑聖訓股
 食有差所為孳孳汲汲者豈特故事之美觀哉
 所以同民心而出治道者大矣而郡學更乙未
 兵燬殿齋及門猶有存者屋老地庫不稱來學
 太守姚公珪即以為堂他未遑及王公伯太典
 漕計慨然以御書閣為己責黃公壯猷守郡任
 大成殿之費方公太琮代為漕與諸生謀曰右
 廟左學前殿後閣京邑制也為國以授博士趙
 君陞夫曰子之職也趙君曰吾之事也捨是而

建寧府志卷之十七

七

晉八十年謝元林刊

不治何以哉辛丑十月乃始為殿明年二月訖
事又明年六月建閣以次而舉大帥徐公清叟
漕使項公寅孫瘦使李公昂英趙公綸蔡公籛
太守王公楚王公極聞之捐金以相其役殿在
學西從祀惟謹十齊東列以博學審問謹思明
辯篤行致知格物誠意脩身正心為名而扁之
中則為堂榜曰明倫後直閣以煥雲章之美下
為先賢之祠自游胡而下十二人先達宿儒莫
不咸在又北為歲書之樓前設重門脩廡以嚴
啓閉與方公之圖無以異合於類水之規次於
辟雍之制大而新之踰三年而後備遂到郡見
其輪奐燦然無所加乎丹雘之功環佩井然無
所益乎弦歌之盛他日陞夫講學建安書堂私
謂遂曰子誠有意於共理乎願一言以為之教
遂避席不遑遲遲數月而不敢當因念夫郡守
部刺史之經始廣大不可及矣趙君之掃地更

建寧府志卷之十七

八

五百五十一謝元林刊

新亦其難矣大非溪山清偉之勝也所謂富有
之謂大業是也新非宮墻觀美之盛也所謂日
新之謂盛德是也然於其大而歛就平實則約
已靠裏不為高虛其小也安知其非大也於其
新而提醒之則明善復初不求奇異其舊也安
知其非新也此孔明善復初不來奇異其舊也安
張朱自立之要訣不可易也記曰致廣大而盡
精微又曰苟日新日日新又日新大與新之功
其盛如此豈驚於外者所能致哉將見建安之
士自此有不容已者而謂性之不善道之不可
以為教抑末矣陞夫曰此則陞夫後歲又傾圮
願與諸生承學之意乃不辭而書

元泰定二年伯顏帖木兒大中重新創建教授

毛直方為記今後齋舍灾守暗都刺重建列三

齋守中進德育材至正二十年參政阮德柔因舊重葺

國朝洪武六年教授周斌又加繕治遵定制為齋

四東曰志道曰據德西曰依仁曰游藝十九年

建安知縣余子恭立朱熹祠於尊經閣後而以

蔡元定真德秀劉燭黃榦四先生配之二十三

年

欽降大成樂器三十四年夏學燬於火永樂初知府

芮麟教授張信奏

建寧府志卷之七

九

三百五十六卷五

請下遷今所而將士室廬據其半都指揮師祐徐信

遂撤其居以地來歸麟乃它材鳩工命檢校李

新董役士民亦多捐貲樂助者未幾知府劉敬

繼至役乃告完

附錄楊榮記○建之學舊在郡治西南洪武辛巳夏燬于火永

樂祭未有司上其事詔擇勝地而新之于時郡

守芮麟教授張信遂卜吉於郡東黃華之岡高

明廣衍於學為宜而帥聞解舍軍士室廬據其

半於是都指揮師祐徐信撤其居室以地來歸

乃凡材鳩工合屬邑之民以蒞事來歲郡守劉

敬繼至檄檢校李新董役經始於乙酉春二月

訖工於丙戌冬十二月其東建大成殿翼以兩

建明倫堂堂之左右則有四齋齋之兩旁則有生徒上舍尊經有閣會饌有堂文昌有祠師儒有室至於泮池庠門庖廩靡不完具而門之左右又有金聲玉振之坊繚以周垣深邃嚴密信乎東南且備觀而他郡莫及也前為二坊左曰金聲右曰玉振

次為學門門內東為文昌祠今廢西為鄉賢祠即

舊尊賢故址中為泮池池上有橋橋北為儀門

門後屬以兩廡中為甬路以達明倫堂堂之後

為藏書閣閣下為集賢堂今為教授衙西廡東西為

志道據德依仁游藝四齋齋俱南向堂之西為饌堂

建寧府志卷之七

十

四百十六

東為號舍廩庾及訓導解舍文廟在學之左前

為櫺星門次為戟門戟門後珥兩廡中為大成

殿今制曰殿後為尊經閣閣下為春風堂成化

年災弘治二年知府劉嶼撤明教堂材重構錄羅景記○建寧為八閩望郡學在郡城之良

偶又廟後舊有尊經閣春風堂為鬱攸所燬若

千歲近年科目偶乏術者言能復高閣之崢嶸

當襄然有豪傑起矣侍御姑蘇劉公與清按郡

至建寧詣學周視師生指舊基道前事以請公慨然以命郡守劉君與時奉詔令撤毀私創

庵堂里有明教堂頗宏壯應撤遂改脩為春風

堂未成而分巡按察余憲楊公女弼至見之曰此未足以稱侍御公復舊觀之盛意乃取贖罪

之餘雖界郡增脩其梁棟郡守入觀闕下同
知周時中董其事選材鳩工與其僚同心協力
不數月而告成弘治三年正月二十日也上為
尊經閣下為春風堂輪奐壯觀增昔余適
以巡視學校至登其閣巍巍乎煥煥乎五經四
書子史百家在焉下而坐其堂潭潭焉殖殖焉
對越聖人之禮殿乃進諸生語之曰五經聖人
之所刪述四書程朱之所考定其切於民用如
布帛菽粟不可一日無者也學者誦之而能言
已寡言之而能行者尤寡爾諸生朝夕於斯以
五經四書為本領之學參之以諸傳博之以諸
史必究其理無不通措於辭無不順所以脩身
齊家一以聖言為準他日起而見用於時治國
平天下之道舉此措之斷斷乎不為他岐惑是
則可謂能尊經矣若夫記誦剽竊以為名利之
資得即棄之是不幾於悔聖言者乎尚何尊經

建寧府志卷之十七

土

業再興刊五百五十四

之有諸生勉之堂以春風名尊經之效也蓋賢
人質美學至心與理融溫和之氣粹然見於顏
面人人樂而親之昔顏子之好學先儒謂其如
四時之春程子之講道學者得侍如坐春風之
中爾諸生樞趨函丈執經問難其亦有志於顏
子者乎有志於程子者乎為師者從容誘誨為
弟子者樂於聽受春風和煦藹然一坐不在古
而在今矣且是邦山川靈秀宋徽國朱文公先
生闕里在焉道德流風使人興起我朝鄭文
安楊文敏二公之勲業皆出自府學亦豈無相
繼而興者乎諸生勉之諸生唯唯而退訓導吳
紀等來諸紀遂書其顛末俾刻石而傳于無疆
今改為御製敬稍東為啓聖祠即舊鄉賢祠故
一亭內鐫五箴

址東為射圃
成化二年知府劉
鉞割廢倉基為之
按舊志在府治

東南即府學故址正統間以其地爲甌寧縣學
後改今所圃中爲興讓亭

嘉靖戊子巡按御史聶豹建

射圃

建安縣儒學在縣治北其地乃建陽衛故址按
舊志宋熙寧三年遷建安縣治於甌寧縣故址
在寧遠門側時學居縣治門外之東建炎燬於
寇以學基置丞廳而附學于郡學慶元三年知
縣俞南仲乃建學于寧遠門外右杜稷壇之右

建寧府志卷之十七

十二

江表三百七

元至正間燬于兵

國朝洪武初因舊址重建十一年知縣裴珏始遷
于府治東南登俊坊即屏山書院故址永樂十
四年秋七月圯於水十七年知縣徐宗重建正
統四年縣丞楊敞重建九年知縣胡欽踵成之
成化二年知府劉鉞市學旁隙地以廣學基弘
治五年知府劉璵建二坊於學前之左右按察
司副使楊澤捐扁曰諸英擢秀嘉靖元年教諭

許相以為廟學地勢窪下率生徒白于巡按御
史沈灼遂以廟學遷復故地嘉靖十年巡按御
史虞守愚以學在郭門外迺遷于今所立文廟
于明倫堂之西為楹五兩廡之楹各倍之南為
門又南為櫺星門北建

御製敬一亭內勒鐫五箴廟之左為明倫堂楹有
五東西為序楹亦各倍之南為門門南為泮池
梁以石橋橋南樹之綽楔堂北左右為居仁由

建寧府志卷之十七

十三

王編

義二齋齊之左右為舍十有二堂之左為解舍

三區建二坊於學前左右扁曰興賢育才附錄謝純

重選儒學記。學凡三遷。國朝洪武十一年
自寧遠門之外遷于登後坊故址沒為報恩觀
正德十五年學圯于水巡按御史沈公灼點觀
復遷學故址嘉靖十年巡按虞公守愚視學郭
門外以諸士子僕僕于徒迺遷學貢院舊為建
陽衛故址虞公謀下知府詹公珪原議詹迺上
狀左右布政使錢公宏宋公冕按察副使謝公
汝儀提督學校潘公潢俞議允協交謀分巡建
寧道張公倫總其事未幾張以陞擢去而揚公
麟繼巡是道下車遂經始迺晉通判羅春曰來
汝惟經厥土考厥費度厥材母為侈靡又晉推
官章袞曰來汝其贊襄之以康以和又晉府知

事王曉曰來汝惟董厥役役惟勤匠惟能餽惟
 稱母宄母嗇又晉知縣胡賓曰來學肄汝邑汝
 為長勞之來之汝惟篤又晉教諭饒賢曰來遷
 學惟汝首請亦惟汝職惟汝居借汝訓導陳諫
 陸崑教之暇亦來蒞是事有弗用命者汝言予
 得申諸憲法又戒衆曰予惟弗精白一心肆軒
 輕厥凡執事上帝其臨有赫時予之辜衆聞
 有惕工役相誠於是度地褒五引有奇廣縮其
 半越月文廟成爲楹五兩廡之楹各倍之南爲
 門又南爲櫺星門北爲敬一之亭廟之左爲明
 倫堂堂楹有五東西爲序楹亦各倍之南爲門
 門南爲泮池灌以泉跨以橋橋南樹之綽楔堂
 北左右爲居仁由義之齋齋之左右爲號十有
 二房堂之左爲廡宇三區繚以垣而順序以南
 焉爲通衢翼以綽楔載事於嘉靖壬辰二月己
 亥告成於癸巳二月癸未於是楊公率諸執事

建寧府志卷之十七 十四

卷之十七

釋菜先師退而鳴鼓登明倫之堂列諸執事於
 兩階晉諸士子之庭命賢揚言曰諸士子肅爾
 儀端爾容汝式聽之是役也雖因舊而迺新易
 腐以堅易漫以鮮穆然深靚鬱然壯麗抑豈徒
 壯觀哉學惟教教匡一端故鄉射於斯養老於
 斯勞農於斯獻馘於斯訊囚於斯所以示厥變
 動厥中以成厥德以達厥材以資厥治譬之執
 木惟松栢巨室需之譬之琢玉惟圭璋清廟宜
 之古今皆然以垂則於天下諸士子亦濡賁有
 恒肆近而警遠推類而諦觀故亦有示乎變動
 乎中達乎材成乎德者是謂善學盍顧誤斯學
 咨議僉協茹度中規則教有以存乎智三遷底
 定迺明迺爽則教有以存乎文廟貌窮隆聖靈赫奕
 錯陳則則教有以存乎文廟貌窮隆聖靈赫奕
 則教有以存乎敬敬以與德德迺宏有孚於通
 志文以潤身身迺章有孚於儀刑貞以宅中中

迺立有孚於研慮智以辨物物迺從有孚於
分守之庸固行之庸敦以需皇皇顯辟則翊戴
天工退而弟子是師以昭朝廷立學之休以
副諸公遷徒之懿顧不偉哉不然遷之謂何是
則諸士子諸士子稽首拜曰敢不黽勉是訓以
圖維新甌寧謝純聞之曰夫事順叙則和和則
樂可歌也已迺即其言次第其事系之以詩詞
曰惟基之良旋規絜方寔抱厥陽神實昇我廟
堂桓桓虞公繡服青駟視學以東曰匪徒匪從
日邁匪庸遷如之何遷如之何僉曰孔嘉刺史
原議藩泉斯并矯矯憲臣曰維我事事百工孔
諧維日斯勵迺傾迺移迺折迺斯則嘉掄堅錯
腐用全有宇翼翼有垣言言式庭式夷式薨式
騫憲臣矣止釋萊顛若有孚盈缶曰菲曰沃既
襄既落百工胥樂庭寔壯觀匪觀斯觀高山仰
止爰止奚攀維賢之登維學斯基匪學斯基維

建寧府志卷之十七

十五

五言五十四

德式資母傾母頹厥德不回君子不穀天命孔
維青青者衿載瞻載拓克明其德以光大作

嘉靖十六年巡按御史白賁建寧道僉事汪佃

知府夏玉麟建啓聖祠尊經閣於明倫堂之北

附錄范嵩記 我太祖高皇帝定鼎之初大
興文教共武已酉即詔郡縣立學擇民之俊秀
者充弟子員庚戌復詔開科革去前代詩賦之
習一以明經取士賢才畢達文化旁敷學校之
盛振古未有也建安廟學肇於有宋舊在寧遠
門外移於郡之東後復改於郭外光祿坊尋定
今所凡三遷也殿廡齋堂戟門庖湍之屬視舊
加隆獨尊經閣久曠未治郡守鐵峯夏公慮無
以崇端本之教也乃白於巡按白公賁李公元
陽守巡吳公大本汪公佃皆報曰可遂檄諸縣

計直以典史辛閏董其事庀材度地卜日興工
與學諭尹君邦寧司訓陸君崑徐君孔殷協心
同德不再月而工告成乃嘉靖丁酉十月既望
日也豎梁之辰衣冠畢集觀者如堵莫不以爲
盛事閣構於明倫堂之後上爲楹者三下爲楹
者五廣六丈有奇深如廣之數而殺其半北繕
啓聖祠爲楹亦三前爲重門左右爲廊有二繚
以崇垣甃以甃甃再聖輝映甃甃他邑未
能匹也鐵峯因謂予曰六經之書諸士子分門
專習固不繫於閣之有無然而樞趨講堂顧瞻
衡宇寧無羨墻紳帶之念况新制軒敞山水拱
環人才當勃然大盛先生可有一言以相勗乎
予不獲辭乃述所聞以告之曰道原於天性於
人具于六經六經也者聖人脩道立教而人所
以爲窮理盡性之書者也自吾夫子刪之定之
贊之修之之後斯道昭如日星用之於身而身

建寧府志卷之十七

十六

樂府友刊
五百九十五

修行之於家而家齊推之於國而國治達之於
天下平猶布帛菽粟之切於民生不可一日無
者也奈何孔孟沒而微言絕一壞於秦之刑名
再壞於漢之黃老大壞於梁陳隋唐寂滅之教
遂使聖人大中至正之道至於分裂剝蝕良可
慨也至宋程氏朱氏三夫子出得不傳之學於
遺經以表章六經爲已任正人心闢邪說而後
六經之道燦然復明於世其功可謂大矣諸士
子誦之法之其必窮理以致其知明善以復其
性言學必本於經術言治必純乎王道窮則私
淑其身達則兼善天下如是則可謂能尊經矣
苟徒從事於言語文字之間角詞藝競葩藻以
爲媒利祿之階而不知六經爲何事其侮聖燬
道甚矣尚何尊經之有哉嵩不佞幸生朱夫子
之邦景仰前休佩服明訓竊有志於經學而未
能也願與諸士子相勉之夏公名玉麟吳之常

熟人由進士任刑曹郎署遷今秩庶政修舉而尤留心學校人謂知所先務皆可紀也因併及之

射圃在

縣學田記

附錄真德秀記

○建安縣故無學韓

又立講堂二齋學之制畧具矣而○以廩士猶未始有學也寶慶丙戌秋清源留侯來謁欵于廟顧學雖頗具而未完則命撤其蔽垣其闕植以叢桂氣象一新矣獨廩給之費莫知所自出每春秋舍菜先期補弟子員賦比餐錢俾與厥事事已散去揚焉為弗寧下車餘二年畢力經營得在官之田若干歲租僅百石悉舉而歸之學於是學之有田侯實始之書來諭戶願有志

建寧府志卷之十七

七

石伯處五百八

予為之嘆曰道二仁與不仁而已矣仁者視物由已不仁者及是蓋九與吾並生天壤間者皆同類也於其同類之中有位以為之長饑焉而哺寒焉而於夫孰非吾責况士者又同類之秀乎閔士之窮而無以養此即側隱之心而仁之端也且公卿大夫者士之積耳養之以誠其材厲其節使善人衆多而當世有所賴其仁不既大矣乎世之為吏者鮮克知之故常以學政為弗急雖養士之田素具或轉而他用或漫不訾者聽其侵牟於吏而奪攘於豪民今建安有學無田議者物不以咎今留侯於此乃獨怒焉由已隱憂朝思夕謀必如所志而後已推此念也其忍四境之內有一民弗獲其養乎予故曰此惻隱之心而仁之端也雖然侯之於士厚矣士以不耕而食疑其為素餐者孟子曰君子之居

艾國也其君用之則安富尊榮子書從之則孝
弟忠信不素餐弓莫大於是今士之廩于官者
優游自佚不幾於無事而食與吁養之厚所以
責之深也夫用之則國安君榮雖既往者之任
然培其可用之本獨不在今乎本者何孝弟忠
信是也蓋四者人之所以爲人而士之所以爲
士者也一或失是且有愧於人而况士哉故聖
門之教曰行有餘力則以學操觚吮墨汲汲焉
以微利達爲事而本焉之莫知是則真素餐矣
有志之士蓋亦踈然自薦修之身以刑于家有
位焉則推之以及于國使人知君親臣子大義
有殞而弗渝是則侯置田廩士之本指侯名元
圭寔三朝賢相衛
國忠宣公之孫云

甌寧縣儒學在府治南叢桂坊故府學址按舊

建寧府志卷之十七

十八

侯照刊四百二十六

志宋治平間始立縣治於寧遠門側學在縣治
之左熙寧三年學隨縣省元祐間復治于朝天
門外而學在縣門外之東建炎初毀於寇學附
于郡學慶元三年知縣劉唯然改創于縣西元
因之至元間復毀于兵縣徙城內而學遂廢
國朝洪武十二年知縣王迪復建學於城西敬客
坊永樂十四年圯於水正統十二年知縣焦宗
周教諭宋毓以學隳溪病涉白於知府張瑛

奏遷今所縱四十二丈橫四十四丈見學址圖碑

建置粗備而沙尤寇作工遂輟景泰二年魚事

曾蒙簡知府賀汝重建大成殿前立戟門御史

倪敬叅政趙象創兩廡及櫺星門又建明倫堂

於殿東列明善復初二齋通判蕭環創會饌堂

及齋舍倉庾於明倫堂左教諭戴委創學門鑿

泮池天順八年知府劉鉞復學傍侵地東北隙

地為民所侵者尚未復重建櫺星門葺明倫堂

建寧府志卷之十七

十九

四百四十 華四刊

及齋舍

附錄曾蒙簡記。既寧縣儒學舊在郡城西溪溪水駛而湍悍渡者甚艱或

雨驟潦漲舟少大戒輒有覆溺之患師生往復必深以渡為虞正統中為郡者憫焉欲徙之乃

相城中舊近郡庠地寔稱具聞于上命下僉議以為舊縣學不足以仍貫乃大營渡首建大成

殿棟宇蓋苦備而隣近境處州之寇作矣蔓延政和松溪諸邑守土之臣日夜矻矻為攻守

計尚暇治禮義於此學所以苟合而復廢也辛未春賊解散予分守建寧獲忠既寧學廢圮之

由為之興慨然計無所出乃日取獄訟除死刑外餘量重輕俾出貲贖罪貯之府庫付守令謹

出納之又勸郡之好義者多寡為助市材鳩工其棟宇之仆者植之傾者正之懷腐者易之上

而先聖四配十哲之像塑而繪之下而東西廡戟門靈星門之制列而序之而齋舍庖廩猶有

未備也予宦去閩殆八易寒暑而甌寧之學未嘗不往來予懷辛巳之夏安成劉侯鉞來守建寧過予語及之毅然以興學為已任未幾學完且美求記其事嗟乎學校育美為政之首務而或興或廢雖係乎人要亦數存焉若甌寧之學始而遷遷而幾廢中而予終而劉公先後始十年始克成之

歲久復敞弘治五年知縣許胆重

脩改建櫺星門

附錄吳文元記 甌寧縣學先御史府君暨余小子發身之地

而兒輩今復遊於茲被教養之澤者三世矣脩創之由蓋詳知之而前二十年嘗一脩葺時有浙江按察使西江魯象簡記之矣歷年記久殿廡堂齋日記傾圮而靈星門及後堂痺陋湫隘弗稱重道育賢之盛制弘治戊申許侯胆來知縣事首以學校為務慨然思有以新之遂白於太

建寧府志卷之十七

二十

五百五季謝元林

守劉公璵二守周公時中提學副憲羅公璟皆報可乃節縮冗費先樹靈星門增崇其址而高大其制度次及大成殿兩廡列戟之門又展後堂開爽踰舊齋舍庖湔易腐扶傾以至堦砌垣墉廡績端鞏而規制大備矣區畫有方毫髮不擾於民經始於弘治庚戌九月訖工於明年辛亥八月侯率師生行釋菜禮告成於先聖籩豆豐潔庭燎有輝神來顧歆觀者感動咸謂許侯之功不可忘而歲月不可無紀也於是教諭羅君滋訓導曹君昂汪君集暨庠生楊正等奉幣徵余言余惟吾夫子師表萬世者也皇極賴之以立彝論賴之以叙政教賴之以淑風俗賴之以厚賢才賴之以成然非廟以聚精神則無以表尊崇之敬非學以聚師生亦無以施教養之法此英君誼辟莫不務謹於斯而我朝尊崇教養之意視昔尤謹賢守今之知本者必以是

為先務是則許候作新斯學俾聖哲郡賢道德
之光有所瞻仰成人小子蹈義率德有所造就
上有以承朝廷尊崇之心下有以啓士子嚮
徃之志其有功於世道不既多乎侯衢之開化
人擢丁未進士善政尤多以不閑學事故弘治
不書相其成者縣丞許君訥主簿湯君仁

八年縣丞許訥重修明倫堂知府劉鉞建二坊

於學前左右副使楊澤扁曰與賢拔萃建科貢

題名碑二亭於泮池左右正德八年提學副使

姚鏞改二齋扁曰居仁由義正德十年知府羅

柔重造學門扁曰儒林嘉靖九年知府詹珪重

建寧府志卷之十七

二十一

四百千余卷

脩是年建

御製敬一亭於殿東內勒鐫五箴嘉靖十五年知縣

應鳴鳳拓明倫堂之耳房又創造廨房及號舍

射圃改學前二坊曰明道正誼

附錄 閩自唐常袞觀

察本道首興學校而士民始重文教馴至有宋
人材漸興風化之盛始與東魯並稱也既之有
學宋治平間始建於寧遠門縣治之左熙寧庚
戌與縣俱廢元祐己巳縣復立於朝天門外而
學豎於縣門之東建炎丁未學燬於寇慶元丁
巳改創於縣治之西至元乙酉縣移城內學因
以廢國朝洪武癸亥復建於城西敬客坊末
樂甲午巨浸胛城齋舍門垣悉圯於水僅存者

大成殿明倫堂而已正統乙丑縣尹焦君宗周
以學備溪白於郡守張公瑛奏遷今所乃叢
桂坊府學舊規也時沙允盜起蔓延地方工遂
中寢景泰辛未始克告成弘治初仍復頽壞郡
郡守劉公煥縣尹許君鼎重加脩理并建興賢
拔萃二坊逮今幾五十年矣棟宇墻垣圯毀過
半嘉靖癸巳應君來知縣事首興學為務常謂
文廟退謂師生曰本原之地狼籍若此是可視為
故常而諉于他人耶遂白巡按白公賁守巡張
公時徹王公庭提學江公以達郡守夏公玉麟
皆報曰可乃以均徭羨餘買材鳩工大加整葺
凡殿廡齋堂饌舍戟門等處撓者植之傾者正
之朽者易之卑者崇之不可缺者增之湫隘者
闢之侵於民者復之繚巨垣墉飾以丹雘弘敞
杜麗煥然一新他邑未能及也經始於嘉靖乙
未冬十月初吉落成於丙申春三月甲子於是

建寧府志卷之十七

三

光緒五年

學諭梁君士翹司訓楊君俊朱君幸泊闔學生
具共事過余言曰甌之儒學皆雖有地而未廣
有堂而未稱今惟規傑制宏偉改觀應君區畫
之長也工出於應募而下不知勞財出於羨餘
而民不知費應君經理之善也不動聲色而事
集不曠歲月而告成應君才力之敏也凡此皆
不可無述也子曷為我紀之顛予非能文者第
以贈中憲先君洎不肖俱發身是地誼不容辭
乃告之曰學校王政之本風化之所關也魯之
頽官脩而采芹之頌作鄭人學校廢而子衿之
刺興蓋以人才之盛衰係學校之興廢也我
朝尊崇孔子之道以化成天下而廟學之制遍乎
遠邇其養士也厚之以廩餼董之以憲臣教之
以師儒所以儲才興賢以為國家用無所不用
其情也夫何今之為吏者一切目法令從事而
署教化於度外豈明時崇儒右文之意乎應

君之宰邑也政事之間治教兼舉學校作興士

皇猷

輔成一代文明之治是其功蓋不止輪奐之新

觀視之美而已也故不揣蕪陋謹述是學興廢

之由呂復諸君請且俾後之官斯土者知今日

昂新所自云應君名鳴鳳字時鳴號梧岡衢之

西安人登嘉靖壬辰進士文章學行迥出等夷

以不切學事故畧之也縣佐吳君蕙嚴君英典

史何漢明董役義官劉傳皆能體應君

之意呂相其成者例得附書是為記

射圃在文廟右

浦城縣儒學在縣治北隅皇華山麓即天心寺

故址按舊志學去縣治東南一里莫考創置之

始蓋自宋慶元來已在今所元燬於兵至正二

十一年縣尹吳鏞重脩附錄易記聖人之

有變而聖人之道無窮也山川之氣鍾為人物

之秀人物不世出而山川之氣聲藹也粵自汝

穎盜起蕩擿海寓大藩壯縣無不殘毀不惟官

舍民居遭其毒酸雖夫子之宮墻亦或不免焉

此天地之一大變也然當兵革之後閭閻闐闐

豐草不剪瓦礫未除而廟學一新聖師有釋奠

之庭生徒有肄業之所是固鎮將邑宰能知先

務之為急而天地厭亂民彝不泯武功將戢文

治將興亦於此乎見矣浦城為縣在郡之東北

其山川疆城與信衢括相表裏自寇亂以來三

州皆陷於賊窺我間隙肆其侵軼青田之害為

尤甚縣故有學在治之東南至正十有二年紅

巾破浦城而學治廢十數年間因陋就簡弗克
改爲乃二十有一年縣尹吳欽始勸率士民毀
堂齋廡以次修理功甫畢而青田之寇至燬撤
之餘惟存禮殿越三年分省遴選元帥岳侯來
鎮禦而青田之寇又至元帥提兵擊走之乃作
麗譙以嚴更戍既又行疇學舍喟然嘆曰夫子
帝王之師萬世尊祀余雖武弁然被服聖人之
教君君臣臣父父子子用克保紹前緒以承光
寵分省不以某匪材俾鎮守此土也學校廢弛
責其在余謀新之縣尹鄒某蚤以經行舉於鄉
議以克合乃伐木就工經始於某年某月不逾
時而禮殿講堂門廡齋舍先賢之祠文昌之宇
以及教官之居毀者作之壞者脩之傾者正之
隘者廣之先創之弗稱者遷構之巍然翼然宮
墻煥然弦誦之聲聞于道路于時前尹吳欽自
檢校復來總縣事至千落成咸有力焉教諭陳

建寧府志卷之十七

西

四百八十五

某在職七年知其爲之難而成之不易也以爲
不紀其成則後無所考乃礪石于廡具本未來
請記易聞而善之則告之曰惟昔先王建國君
民教學爲先灑掃應對養其蒙於小學之初格
致成正致其道於大學之際是以五品遜而三
物成百工熙而庶事理周衰學散以戰國書焚
於秦坑聖人之道不絕如綫漢興開設學校五
經皆置博士經明則道亦明矣自時厥後或因
兵革雖損益不同其揆一也我國家修帝王之
業崇學校之政涵濡漸漬七八十年雖干戈日
尋而教養不廢矧浦城溪山之秀扶輿清淑之
氣鍾而爲賢人君子若楊文公之以文章黼黻
皇猷真父忠公之以道德師表百世其著書立
言皆足以明先聖之道去其人之世若此其未
遠也近賢人之居若此其甚也扶興清淑之氣
鍾萃之已久則其所產必有傑特之才英偉之

器出而為國瑞而况夫子聖人之氣象温粹之容儀巍然炳然日臨乎其前諸生來游來歌其親炙其鑽仰盍亦願學孔子勉希顏孟盡其心竭其力必要其成不中道而廢罔俾揚真專美千載是為不負岳侯興學之美意諸君子媿美前脩亦有無窮之聞矣於戲尚欽懋哉

國朝洪武元年知縣張鵬舉重建大成殿及兩廡七年知縣宋性建戟門十二年知縣張宗顏建明倫堂於殿後堂之前為時習日新兩齋二十三年知縣史志可等鑿池建橋櫺星門三十二年教諭來守弘闢學東隙地為神厨宰牲房又

建寧府志卷之十七

五

陸豹刊

建會饌堂於明倫堂後宣德六年知縣周原慶葺兩廡及兩齋正統九年知縣甘祭重脩作亭于鳳池之上景泰四年教諭胡清重鐫卧碑天順三年推官胡緝重建兩齋知縣張昂重建東

廡立進士題名碑附錄王煥記○浦城古建安郡屬邑也其地居閩越上游

密邇崇安薰炙乎考亭道義之風故其人秀穎而文服詩書敦禮樂以起科第而躋顯融者彬彬輩出求之往古如楊文公億章文憲公得象真文忠公德秀徐文肅公應龍又皆其傑然者比入國朝益隆文教涇濡道化既深且久故士風益振人才益盛鴻生碩儒接跡繼起文學

政事與古相望斯固上之德化所及而學校之教科目之選卒勵作興以祗循於下者亦不可誣也成化甲午春江陰張侯晒由名進士來知縣事下車訪政治缺失首葺學宮之敞陋者既乃禮師儒飭教條合議于教諭胡君昱顧前題名俾之刻於御史楊公禧者庠隘弗稱不足以旌前勳後將圖改作遶僉憲河南高公崧大衆毗陵劉公觀相繼戾止謀與侯協高公遂捐俸為倡礲穹石具禮弊謂侯子鄉人也宜馳書請記予惟國家養士於學校每三載一開科命有司者論選之錄其名于冊以獻于上以傳布於天下其與會試者又命有司題名於國學而鄉試者不與然則題名于鄉學亦為郡縣者之不可廢也此藩憲之賢郡邑之良之所為倦倦焉屬意於斯也夫一士之名不可遺書之千冊謂之易毀而石不可磨其所以為士慮者

建寧府志卷之十七

二十六

卷之十七

亦周至矣士由科目進者蓋亦周於自慮以求所以充其名乎名者實之賓也勉其實以克其名垂休邁烈後之人又將有感發而興起者以紹續其風猷如是則石亦有時而泐而名不可泯流芳竹帛與古聞人同永長存此侯之意而亦邦人士之所宜自負也於是手書十六

年知縣劉珩撤新殿廡推官李時新來掌縣踵

成之知縣許澄繼至復加藻飾脩整

附錄謝遷記曰

大學始教皮弁祭菜示敬道也又曰道尊然後民知敬學祭菜者祭諸先聖先師而先聖先師者實道之所出也不知所以敬道而欲民知所以敬學亦難矣古昔聖人之道至孔子而集大成故歷代尊之不替我國家古文興治惟孔子之道是崇郡縣皆有學以教民間之俊秀學

必立孔子廟肖其像以爲釋奠所故學者知有所尊非孔子之道不講百餘年來道德同風俗一良有以也浦城建寧大邑廟學規制視他邑加宏敞歷歲既久不能無傾圮之患成化己亥進士劉君珩來知縣事首以大成殿白諸郡貳請於上司謀撤而新之未幾劉以家艱去任特進士李君時新以府推承御史檄來視縣事至則毅然以終其功爲已任材求其良基仍其故不疾不徐民趨而赴始事於庚子之冬十月越明年辛丑秋八月而落成李君乃走書京師請紀其事於石嗟夫孔子之道固不以廟之興廢爲隆替然學道者之所以興起其尊師敬學之誠則於是乎實有繫焉有司者不究心於是而曰吾能興教導民者吾未之信也浦城之學者其自是益有所興起乎且余聞之君子學道則愛人小人學道則易使今學校之教雖特聚諸俊秀者居之至其風化感被之廣則又不但俊秀而已愛人易使之效其將蕪收之乎嗣是而吏者尚益善其後哉

射圃在學外之東南隅內爲觀德亭正德十五年御史沈灼委知縣周南改遷今所嘉靖三年御史簡霄復出公帑買學前民地而拓廣之建寧道僉事王庭再僻民地於皇華山後建殿廡戟門石櫺星門明倫堂齋房亭所池橋號解嘉靖十六年教諭余永麟重建

御製敬一亭內勒鐫五箴嘉靖九年知縣陳思謙建

啓聖祠嘉靖十四年知縣謝瑜置原學田租二

百一十四石一斗正

建陽縣儒學在郭外同由里即護國寺基按舊

志原在棲隱寺故址交溪之許宋建炎間燬於

兵紹興七年知縣陳亞卿重建朱熹與劉燾奏

請遷今所知縣趙興迥董役附錄王遂記古

術有亭國有學自天子至於庶人無一不由於者家有塾黨有庠

建寧府志卷之十七 二十八 張福員四百六十

於學者嗚呼學於王政爲大而人心之所由以
一也故其體有道德性命之本其用有詩書禮
樂之具綱以三綱常以五常六七聖人舍此不
足以爲教自時厥後異端出焉百家雜焉秦不
知禁而禁士之學孔孟而談六經者卒使千七
百年之間人寡知學家鮮知道非以愚民直自
愚耳幸而漢興齊魯之間習聞聖賢之教有不
待幡然而興起更數大儒不能復舊宋德休明
周子道其源張程襲其流而朱子集其成斯民
復見雍熙比屋之盛而建陽今齊魯也去聖賢
之居若此其近則傳聖賢之道如此其盛宜其
道振而不墜教興而無仆及遭值權門學禁併
以其人與書而廢之至於毀其裸獻講讀之廬
以爲鍾魚梵唄之地不黜邑令不斥遣其門人
不止士至於恥以其學自名火書廬名之禍未
有酷於此者也不塞不張不裂不全以聖賢之

鄉而禁錮有甚於他郡縣者是宜嘉定更化首
議褒表淳祐繼承特加臨饗表章之盛亦未有
加於此者也先是劉文簡燦奏請寺復爲學文
公之子在及游侍郎九功徐侍郎清叟相與倡
議彭尚書方協力爲之規摹一新而方右史大
琮尤極其意趙君與迥之爲令也敞高明而築
沮洳闢隘陋而固藩墻月割俸以益之不足又
斥於縣之費禮殿中嚴重廊外設復濂洛關閩
之祠爲五於左以識其道之所由始脩前賢陳
公洙師錫游公酢蕭公之敏以文簡補之爲五
於右以章其化之所由盛朱范二太史室在東
序益以游文清朱則文公考也范其先友也游
君九言少所共學老猶不與時共好者也劉魏
二聘君室在西序益以蔡聘君劉君勉之所學
也魏君揆之其遊也蔡君先定晚盡力於斯道
而興學之議所由起也學始於諸令用成於黃

建寧府志卷之十七

二十九

五百八十六元林

令千里並祠於西北同室宣化堂後設先天之
圖說亭之北揭東陽洙泗之匾崇樓屹立以嚴
建炎御章之藏虛亭靜處以本周氏爲蓋之教
學職之位四諸生之位三倉庫書籍之所亦三
建固多士建陽之求遊者亦衆左山右溪昔猶
今也深衣大冠今猶昔也會諸生而課試之董
其役者主簿謝德厚其亦庶乎不廢其舊矣一
日與迥以圖授遂曰主上銳情文公之學子奉
命以來建安書院既立而建寧之學復啓得因
其成而記其願末今建陽之宮熊君克記之文
公自爲之記陳君孔碩真君德秀又記之豐碑
巨刻皆有取於附祀藏書之盛而學之廢興實
關道之顯晦願求一言以詔後之入遂初辭不
可又念已爲二建犯不韙其又何辭則作而言
曰遂志學時未及登文公之門既冠脫棄場屋
讀其書而悅焉一日之疑多於惕然師亡道散

之懼以遂之悔不願諸君之悔重於遂也今文
公已矣三王四代之事無所質正幸而因其地
新其學諸君試以四書而讀之於心能無疑乎
以經傳觀之於身能無闕乎以通鑑綱目而參
考之於事能無所弗亂乎夫理之蘊至精之所
由寓也一聖人之言數聖人之所同也諸君強
敏必無至於遂之悔而其所自得必有甚於遂
者曰明誠其兩進抑敬義其偕立昔者文公嘗
以示白鹿諸生盡心於此安知後來之繼
其軌者不在斯學乎咸曰諾因爲之書 知縣

王渥增學田元至元二十二年縣尹陳添錫重

建源附錄張復記建陽乃考亭故居匯道學淵

有學朱子創焉宋紹熙間因舊址逼近民喧卑
隘弗克稱謀及邑令諸侯聞于朝請賜以唐寺

建寧府志卷之十七

三

五百五十二友

兩易而新之惟堂仍舊迄今四百餘載懼將壓
焉元統甲戌夏上即位之明年秦川陳侯天賜
承務來尹茲邑學道愛人首謁先聖先師升堂
講學視棟宇朽蠹遂捐已俸倡率邑之士人助
有差鳩工度材始事於至元乙亥秋七月辛巳
朔落成於是年十月辛酉為堂七間楹百一千
即朱子舊明倫揭于上東西夾室翼以新美負
美輪高明廣大且祠先賢及前侯有功於學者
後鑿方塘引水種蓮建靈星門復古路植杉夾
之百廢具興一皆侯力相是役者教諭鄭文忠
也既成以書來屬記之曰美哉尹之用心能繼
朱子而新斯堂亦士習之機也抑嘗聞道之大
原出於天而行於君臣父子兄弟夫婦朋友之
間古之聖人欲明是於天下使臣忠子孝兄愛
弟敬夫婦朋友之有別有信故立學校以明之
則可以固結人心綱維世教唐虞三代之設學

明倫皆以是意秦漢以來世有明晦天理民彝
本然固有網三綱五常千萬世不容氓又豈以古
今明晦為損益哉洪惟皇元混一道學興崇風
化本源屢欽明詔矧是學為朱子之鄉師友同
堂講義禮取聖賢歸宿肯趣必有得其要旨非
徒欲誦詞章釣聲名以徼利達而已若夫明誠
兩進敬義偕立由愛親敬長之知能為明德新
民之事業體用兼該本末一致庶不負國家教
養之意抑亦見陳侯作新之功深有望於君子
也昔朱子於婺源記所聞以告鄉人之願學者
使知讀書求道而盡心焉以善其身齊其家而
及於鄉達之天下傳之後世且以信侯德於無
窮侯字載之晉齋其號也宋刑工部架閣先生
之子奮自儒科學優而仕先正溫陵郡學造大
成樂鑄禮器籩豆簠簋率以法繼簿南安陞佐
府幕每以興學崇化為先務歷任有聲各見書

建寧府志卷之十七

三十一

蔡圃五百七十八

考用記之 ○國朝洪武二十八年主簿丘松因
以勸來者

舊重建附錄趙友士記○孔子垂教于天下而

魯東陽為閩之大邑故宋置學官于錦水之東
其地狹隘不稱教基於是朱子卜遷于拱辰橋
之北去治所幾五里厥土惟剛厥位向陽妙高
之峯鬱然前拱其禮殿學舍皆嚮明實萬世之
基也有元仍之而虛文徒具其荒落始廢矣○
皇明首詔天下建寧以育人材敦風教然作邑于斯
者重於因循而奉行弗至洪武二十八年春正
月閩僉憲新安柯公行經是邑觀察風教以是
學不脩則壞宜督有司以葺理之時邑簿兵松
待調在邑邑簿王文賦正任邑事於是喻以朝
廷建學之重俾之協力以董厥事二簿謀度經

營鳩工儆功而邑令宋添祐邑丞方貴華以相
成之首作學門于泮南頽之曰東陽洙泗蓋昔
趙與迥之所書也橋於泮上以達靈星門又爲
門于泮左而橋於方池之上以達于明倫堂背
作亭繚以繒鋪列以坐榻亭背舊有堂二則各
廣其左右其中爲講堂而東西爲兩齋曰進德
曰育材亦皆仍故扁也舊齋所二則左爲饌堂
以列師生之位序蓋會食也右爲祠堂以祀游
揚諸先生蓋尊賢也禮殿舊制則四配居左而
東哲位于後春秋行禮狹而不舒於是以四配
列於左右遵今國家之制也殿宇門廡皆以
其朽腐塗以丹雘甃以甌甃兩廡賢像彰以五
彩則廟庭皆飭治以學西爲射圃圃西朱子祠
配黃蔡劉真先生示不忘本也祠左祀御史陳
公輦七人崇其德也右祀侍郎游公輦九人報
其功也其外則繚以垣墻周圍截然矣於是祭

建寧府志卷之十七

世

聖賢

菜有儀而足以示敬講習有所而足以示教遊
息有地而足以居學經始於是年正月訖功於
二月十有三日二簿會其今丞暨諸教職以落
成之因語諸生曰昔朱子立學規於白鹿書院
今諸生尊孔子之教慕朱子之學可不守是規
邪諸生成曰敢不敬蚤夜以求從是規於是刻
之於堂以求久既訖事諸生劉驥來徵記愚聞
孔子之教本於道也朱子推而明之於千五百
年之後而綱常倫理由是益明忠孝節義由是
是而出豈小補哉東陽爲朱子首教之地今僉
憲公上體聖心重此教基而二簿恪任使以
成輪奐之美况當明時而教條大備則東陽爲
洙泗者將見賢材輩出以與東魯爲此隆矣余
既記其實而繫以辭曰孔聖之教猶日麗天朱
子述之啓後光前東陽鬻宇既卜而遷歷元抵
今因循有年舉廢而新易朽爲堅棟宇宏敞丹

賸相鮮行禮有地育材有所文風穆和儷美東魯論理攸明豈云小補上翼 聖治光照今古

求樂十四年圮於水十六年訓導董鏞重建兩齋十七年縣丞趙壁教諭潘凱重建兩廡洪熙元年知縣徐鐸重建戟門宣德四年知縣張光啓縣丞何景春訓導李繼生員丘綱等共市地以廣學基重建大成殿正統肆年邑人府經歷劉童以明倫堂逼近禮殿謀於知縣王原善改營之正統八年教諭王箎重建具祭器祭桌十

建寧府志卷之十七

三十三

華華堂

二年典史錢象增建饌堂正統十四年教諭歐陽時峻重脩成化九年巡按御史李釗提學僉事游明以學隔大溪每水漲艱於往來乃徒棲

隱寺故址

附錄海澄記

○嘗謂天下治則學校

盜明治效益臻古者黨庠術序之設俊選論辨之制不可尚矣欽惟我朝自大一統之初即稽古建學而優待之禮作育之恩繼世有加是以謀猷左右宣敷至道恒有其人而成重熙累治之治荷敷休哉然學有興廢教有弛張又係有司者之作興何如耳建陽縣儒學舊在交溪之澗即今護國寺是也宋紹興間朱文公熹劉文簡公燾奏請以同由里護國易地而建焉柰

界於兩溪之間每遇春水泛漲師徒恒以不利
往來為憾 國朝成化九年巡按福建監察御史
史天台李公釗提督學校按察司副使豐城游
公明議擇縣治之西棲隱寺廢址而改建之乃
撤府屬董其事於是經營相度買材鳩工左建
大成殿東西兩廡塑先聖四配十哲及從祀諸
賢像殿之前為戟門門之前為泮池池之上為
石橋橋之前建靈星門右建明倫堂堂之兩傍
為進德脩業兩齋齋之前各為號房三棟共十
八間堂之前為儀門堂之後為教諭訓導廨舍
儀門之右為饌堂堂之後左為宰牲房神厨儀
門之前為坊牌揭以文林二字經始於成化九
年仲夏落成於成化九年仲冬規模弘壯制度
精緻視他邑未能或之先也澄以靡材叨宰是
邑於學舍方新之際既以得因其成為喜復以
功無所紀為憾乃於謁廟之頃命諸生前而語

建寧府志卷之十七

卅四

五百五十五

之曰觀河洛者思大禹觀其棠者思召伯爾諸
士子生逢休運身際 明時儒冠儒服胥集乎
廣居安宅之內出入乎禮門義路之中朝夕對
越乎聖賢之遺像而講授有所起居食息靡
不有其所者皆御史憲副公之功耳詎可無文
以記之乎况夫諸公改造之意又不過欲作新
諸子使爾奮發興起勤勵不息以聖賢之學而
滌其心育以聖賢之學而見諸踐履他日由科
貢而登膺仕一以聖賢之所以處身者處其身
以聖賢之所以治民者治其民以無負乎
聖朝興學育材之美意也是又大可記者故不揆愚
拙謹述始末俾勤之貞石庶將來有所考云

十一年知縣項旻增置官廨十八年知縣汪津
增脩成化十九年建射圃在縣學之前正德八

年巡按御史李如圭復今所知縣戚雄訓導劉良能董其事中建大成殿東西兩廡前戟門左爲鄉賢祠右爲名宦祠又櫺星門左右夾以興賢育才二坊其殿後爲明倫堂翼以居仁由義二齋左右教諭訓導三衙前爲儀門又前儒學坊左環衛以民居九十間以備禦守迤大路之右又建正路禮門二坊總大門外立泮宮坊仍置學田若干畝正德十五年知縣邵龜增田一

百畝嘉靖三年知縣項錫於櫺星門外爲泮池外爲龍門嘉靖五年清戎御史楊瑞因明倫堂障於聖殿建新堂於堂之左爲道義門左右爲書籍祭器二庫而扁舊堂爲啓聖祠八年知縣薛宗鑑申撥廢福寺租米二百二十一籬二斗歲徵銀陸拾餘兩收貯縣庫爲科貢之資九年建御製敬一亭於殿西內勒鑄五箴十三年學宮西廡垣墻圯於水知縣朱默脩建仍創講經堂於敬

一亭之右前翼以號房四十椽又白巡按御史方涯白貢建尊經閣於堂之北嘉靖十四年分守歐陽必進於泮宮坊外環以石欄千十數楹嘉靖丁酉分巡建寧道僉事汪佃以今學非朱子昔日改立規制白於巡按御史李元陽檄委知縣李東光將殿堂閣守改移東北而面南向焉縣學藏書記附錄朱熹記 古之聖人作為六經以教後世易以通幽明之故書以記政事之實詩以尊性情之正春秋以示法戒之嚴禮以正行樂以和心其於義禮之精

建寧府志卷之十七

三六

羅二百七

微古今之得失所以談貫發揮究竟窮極可謂盛矣而總其書不過數十卷蓋其簡易精約又如此自漢以來儒者相與尊守而誦習之傳相受授各有家法然後訓傳之書始出至於有國家者歷年行事之迹又皆各有史官之記於是文字之傳益廣若乃世之賢人君子學經以探聖人之心考史以驗時事之變以至見聞感觸有接於外而動乎中則又或頗論著其說以成一家之言而簡冊所載篋櫃所藏始不勝其多矣然學者不欲求道則已成欲求之是豈可以舍此而不觀也哉而近世以求乃有所謂科舉之業者以奪其志士子相從於學校庠塾之間無一日不讀書然問其所讀則舉非何之所謂者於乎讀聖賢之言而不通於心不有於身猶不免為書肆况其所讀又非聖賢之書哉以此道人乃欲望其教化行而風俗美其亦難矣建

陽版本書籍行四方者無遠不至而學於縣之
 學者乃以無書可讀為恨今知縣事會稽姚侯
 耆寅始斥掌事者之餘金鬻書於市上自六經
 下及訓傳史記予集凡若干卷以充入之而世
 儒所誦科舉之業者一無得與其間諸生既得
 聖賢之書而讀之者相與講於侯之意而知所
 興起也來謁予文以記之予惟姚侯之所以教
 其人固可書矣而諸生之所以承侯之意者亦
 當得書也抑予猶願有告焉諸君讀侯之書其
 必有以通諸心有諸身而無徒然為是書肆者
 則庶幾無負於侯之教而是邦風俗之美亦將
 有以異於往時矣於是敬書其說使刻石而立
 諸其庶
 以俟

崇安縣儒學在縣治西山之嶺即西山麓五賢

建寧府志卷之十七

世

四百三十六王編

書院二基址按舊志在縣西興賢坊營嶺之右

莫詳建置之由宋紹聖二年知縣事王當重建

崇寧間知縣事葉祖文增而新之晉正臣趙彥

繩鄭思他輩相繼脩葺咸淳元年知縣劉漢傳

重建正元間縣尹張茂始建殿廡至治間縣尹

劉沅祖立二坊於學之前附錄張瑞本記。予

欲一過文公之邦覽山川之清淑訪流風緒言
 於遺俗而不可得懷此到于今髮種種矣泰定
 四年冬欽承天子命來為崇安宰崇於建為望
 邑四海內外學文公之學者咸以崇學為宗到

官數月繁劇日剝剔稍暇得與邦人士味遊于
泮明四書指歸俗愿而曩化蓋亦前脩軌範之
所晉也顧瞻宮墻前後燁然遊道德之園若至
闕里登杏壇之若聆金石絲竹彷徨齋咨久之
郡士愀然進日向廟學不脩且壞至治壬戌蒲
陰劉侯之治此土慨然以興滯為已任凡木瓦
之叢殘罅漏悉撤之殿堂門廡齊廬庖湔則易
其故壇之亭跨衢之兩門則肇其事得以葺脩
息遊不窘風雨獨堂之左有祠以奉鄉賢尚焉
虧簣不廓不遂不甃不夷會劉侯去弗果碑既
作而輟人以爲憮後五年公寔來為邦候嘗謂
疇昔所懷山川清淑流風緒言於文公邦今得
償所願於此能無情乎予為之憮然喜有是哉
弗隆何以爲天下所宗此予責也亟傾素市材
作之營之拓之平之悉治前所未治者踰月捐

建寧府志卷之十七

三十八

五書五百四十一

屢告成郡士又憚然請曰今公成劉侯之志完
且美矣歲月不識將泯殆於不可予嘉郡士之
能相劉侯以有成敢不諾而記諸竊雅學政一
原體用相資學外無政政外無學士大夫知為
一之學凡視天下事皆職分之所當為家國同
一體惟莫不盡心焉而若劉侯亦可謂之所以
為政者矣予之為劉侯繼非欲侈其盛以干譽
將使後人視之復繼後人也後人繼之而不替
豈特十世百世而已則斯學與斯文相為終始
斯文與天地相為悠久烏可不述其事為繼者
勸遂援筆以書之劉侯諱沉祖字齊至正間縣
川去是為蕭倅有聲方上績于朝云

尹彭庭堅重脩後燬於兵

國朝洪武四年知縣徐得等重建永樂十一年縣

丞楊以章教諭章皞等協力重建十三年知縣趙麟等相繼完之正統十一年縣丞李幹教諭劉良等重創景泰間藩幕謝瑩易民居爲射圃嘉靖十四年知縣邵德夫教諭胡希定等請于巡按御史白賁遷改今所中爲明倫堂堂之左爲居仁齋右爲由義齋居仁齋之左爲教諭廡堂下廊爲號舍七間堂前爲儀門門外爲泮池爲大門堂後爲尊經閣右爲

御製敬一亭內勒鐫五箴大成殿在由義齋之右東西爲兩廡前爲大成門又前爲櫺星門殿右爲宰牲房爲訓導二廡後左爲啓聖祠爲祭庫右爲鄉賢名宦祠廩米倉在明倫堂左射圃在櫺星門南

政和縣儒學在縣治東舊在縣西宋紹興二十年縣令趙伯果遷今所

國朝洪武七年訓導余應率其徒捐貲重建殿廡

戟門十一年重建明倫堂兩齋十七年訓導童
邦彥建光霽亭於明倫堂之後二十四年教諭
劉彥行增建庫厨宰牲房三十五年典史郭斯
屋教諭王守約協謀拓舊址重建齋堂永樂元
年知縣黃裳改光霽亭為先賢祠景泰四年按
察副使沈訥重建齋廡天順二年訥復建堂齋
七年巡按御史伍驥命知府劉鉞重建殿廡於
明倫堂之南成化七年提學僉事游明建尊經

閣於明倫堂北十三年游明與叅政劉觀叅議
裴襄重建戟門學門至是稍備弘治十四年知
縣洪貫重建聖殿及兩廡門學門正德六年知
縣張萱建養賢堂于明倫堂後殿廡堂齋俱加

脩飾

附錄條補記

政和去建城不二百里邑

往者不暇論矣頃有役于郡者語人曰吾邑徃後均民樂趨矣詢其所由來曰令致是時乎秋徵輸于郡者曰吾邑征歛時民樂輸矣詢其所由來曰令致是時乎造民書告成于郡者曰吾邑攢造嚴丁粮確積弊除矣詢其所由來則又曰令致是會郡有經遊是邑者歸而語人曰東

和何治哉視其城則延亘堅緻暮夜有警焉探其儲蓄則倉粟充實凶荒有備焉稽其財則裁冗省費民無橫征焉下逮陰陽醫藥之所與夫恤孤送死之地罔不飭焉問其孰爲之又皆曰今也問其令爲誰則曰上海張侯壹壬戌名進士也既而郡守察佐諸公稱之分省潘臬諸公稱之由是侯之名籍籍滿人耳未幾其邑庠周生元李生曉以其師學諭鍾君文手書自其邑來謁予暨暨道侯之賢與其政之善大畧如前所聞且謂民既安止則又以其餘力役志于學宮葺大成殿葺明倫堂撤戟門而新之又創養賢堂于明倫堂北于是腐者堅剝者飭而廢者興蓋已倫然矣然矣且財出公措工出傭力而民無所擾既落成侯或時一戾止進諸生而課試之闡幽夬疑獎勤勵惰而責以遠者大者于是士心勃興相與感嘆以爲吾邑百餘年來長

建寧府志卷之十七

四

五百八十五

令稱善治者未嘗有此先生邵先達請記其事于後以俟有功且使後生小子有所知有所勸邑之幸也予應之曰祐烏能文哉顧嘗慨時之艱而服侯之賢且能久矣欲竟無言可乎盜賊征歛之餘而鐵饑水火之荐臻流移未復也瘼未蘇也罷訟未平也侯適令于其時始既休息之生聚之又從而長養之是以治具畢張百度脩舉不一二年邑稱大治于是則以爲興教事此其時也乃興學校以教之學校者人材之所由興也國家治化之本也爲政而留心于學所以興也國家治化之本也爲政而留心于學校非特有功于人才有功于天下國家也侯能行之而又不失乎先後之序焉仲尼其所謂既富而教者其真知治休哉矧東和常齋先生過化之鄉聲名文物之懿陶冶漸染已非一日其間或以道德名或以風節著或以功業顯炳炳朗朗光照史冊茲侯飭治而振起之又得賢如

鍾君者以為之師豈非天地山川之氣將大發
泄于今日而假手于賢人君子以相成之歟異
時多士彙與彬彬嚮用其德業聞望必有表然
特出等前脩而上之者侯治邑之功偉矣夫揚
人之善過人之惡秉公議于上以風勵于天下
者此大臣當事者之責也以侯之賢予獲知之
悉雖不敢私竊妄議然秉清議于下以告邑之
後生小子以風勵乎一方亦鄙生之所得為也
故僭識其榮如此且以侯觀風者采焉學之修
也肇于正德六年十二月二十日暮年而迄工
贊成其事者二尹薛侯佐三尹趙侯良典幕陳
君熙洪司訓李君末而耆民范謹寔董厥役云

嘉靖九年分巡僉事張儉以按察分司作明倫

堂其舊殿廡移東北而拓新之附錄張儉記我國家做古建

建寧府志卷之十七

四

五百五

學為成賢育才之地又祀孔子及諸賢之有功
于道學者使朝夕瞻仰興起其欽聖懷賢之心
故堂日明倫齋曰據德亦曰依仁殿曰大成其
所以致拳拳屬望之意者非淺矣諸士入是門
親師友以成其身出是門由科貢以致其用其
所以沾濡聖化極盡心知性之功匡佐明時效
裁成輔相之道舍是其何居哉嘉靖己丑秋八
月予奉命按治建州既歷政和詣學謁孔子與
諸生商確經義自朝至于日晏諸士充然若有
所得因進而請曰政之為學久且頽敝而文廟
通市井藝慢不稱惟明公圖之乃以謀于邑令
潘邦相令曰舊傳所駐分司為飛鳳金籠之形
實地理家之最勝然以其臬司也不敢有請予
曰嘻昔范文正公以其宅出相讓為學宮與郡
人同之即今之蘇州府學是也吳邦人物用以
不衰而文正公之仁亦不朽况分司儒學均為

公所予豈私哉令曰雖然費亦不貲柰何予曰
 松溪普載寺近徒為學聞其寄在于政和者若
 于取其直以克費何如令曰善遂具以成議白
 于大巡施公鎮卿可其請經始于真寅之冬落
 成于辛卯之春不斂于民不置于帑厥地維雄
 厥制維備去卑褻以就尊嚴化頽敝而為新美
 復東巡乃進諸士而語之曰地以人興猶人之
 能弘道也諸士其知斯學之所以新乎向使謀
 弗豫志弗銳力弗勤財弗備其將有成乎諸士
 曰願聞弘道之要予曰噫道豈遠乎哉亦豈難
 乎哉自言勤食息以至國家天下理也惟志
 弗立則棄惟功弗恒則墮古之論入道者多矣
 而予取其三曰中曰誠曰敬敬則惕惕則不苟
 不懈誠其確確則不恕不欺中則不引以自高
 不俯以自卑而守之約也諸士苟能由一時之

建寧府志卷之十七

四三

五百貴刊

敬以求至于一時之不敬則敬為聖賢之敬矣
 由一念之誠以求至無一念之不誠則誠為聖
 賢之誠矣由一事之中以求至于無一事之不
 中則中為聖賢之中矣成已成物特推行之先
 後耳要之敬為門戶誠為堂室而中為堂之中
 乎諸士其勉之諸士咸欣然曰用其地籍其資
 享其成以毋忘訓言吾庶幾無負于明公亦無
 負于國家作養之意哉遂相與礪石請予書以
 副諸廩米倉在明倫堂左射圃在縣治南飛鳳
 山之右內建觀德亭亭之後為室以藏弓矢成

化十六年縣丞沈清主簿史憲重建

御製敬一亭在

松溪縣儒學在縣治之西即普載寺故址按舊志在縣治之東宋開寶八年肇建景祐間徙後山之陽乾道九年縣令尤杲仍遷舊所淳熙十年縣令王景教諭李磻增脩紹興間縣丞林俊卿增學田以贍士元至大三年縣令李榮昉改

拓學附錄李瑛為記○縣治東偏舊有學宋景定二年遷東山後百餘年又以林樾深僻

廢乾道九年縣令尤杲移建于舊趾即今學也由是闢齋舍立講堂鳩公田增學廩而士得教且養湛盧截磔石壁縈迴地靈而秀鍾焉擢巍科居顯宦胥此焉出大化消息世復為元江南

建寧府志卷之十七 四 未四百九十六

遺黎初脫湯火禮義未暇洽賴斯文一脉其光孤瑩其生枯枿而不至泯絕大德辛丑提舉朱必獨建明倫堂惜以役奪未完也至大二年春飛龍御天之明年邑侯李榮昉尹是邦謁慶文廟入門則廊廡單陋上兩旁風升堂則土階澶漫荆榛沮洳心蹙然不寧乃厲其同僚而諭之曰自古設官以司州縣非使利廩祿低頭署紙尾而已也蓋將明教化厲風俗使人知所勸且知所尊故余於是學惕焉者以風化攸出也天下通祀惟社稷與夫子而廟弊焉若是安乎苟庇乎民雖舉國之弊吾請得以更之况茲邑乎苟利於世雖千載之廢吾力得以興之况茲學乎是時有達魯花赤創兀慨然樂相斯役召工計木石多寡捐俸倡同寮及諸生以是年十月甲子鳩工晨暮展力越明年二月畢工更甓易甃而亂者整葺欄立楯而斜者正礮磚城石而

埵者平豎闌植戟而汚者新理不半歲利垂千
祀暑天以涼木蔭龍葱青衿是遊如痿而起如
矇而瞭如醒而醒也嗟乎夫子之道固不大於
覆幬照臨乎自周靈王二十一年庚戌至至大
庚戌殆一千八百六十一年矣君臣父子之所
以綱家國天下之所以立心立命非夫子之力
而誰力歟飲必祭先酒食必祭先飯一飲一食
尚不敢忘其先矧聖人之教而可忘乎然是學
也始毀於山林鋤耨之徒繼壞於隣邦蛙井之
寇而殿也巋然獨存數也宰是邦者凡幾盻盻
去之而不問職斯教者姁姁安之而不悲孰謂
後三十年而得人焉若李侯者一更新之雖數
也亦機也數與機也倘乎其相遭故其鬼神巧
力不能為而為之天也畧於拘忌者或病其放
急於寬聞者多疑其迂李侯之於是也極力以
底于成放與迂不恤也然則數乎機乎其天已

建寧府志卷之十七 四十五 金五百六十八

乎凡今新學之流日夜相飭厲少踰規矩曰亟
改是吾侯聞之決不可於意以導則循以啓則
躍然者皆侯力也善於政者無赫然之譽德於
人者有去後之思今松川李侯畏壘也泣事日
淺民雖未見尸社稷之事而士也已俎豆之于
賢人之間矣今來古往廢興成毀每相尋於無
窮後人之有與侯同志者嗣而葺之雖百世可
知也侯魯汶上人明敏有廉節所至民皆賢之
是役也縣尉張信典史陳謙各捐俸貲與有力
焉落成庸可無記仍繫以頌曰於昭鬻宇寔為
化基自惟兵燬匪顛伊危我侯聿來經之營之
于安其施于繕其隳我有紀綱非侯孰持我有
俎豆非侯孰尸肩脩非教何十二年燬於兵十
迪匪彝余之頌之無愧是碑

四年凌愷來為令一新舊觀
附錄黃增為記
建為先師朱文公

之闕里松溪建屬縣士生其間身親受業於公
 之門與聞公言論風指於淑文之私者踵武後
 先其地雖褊小而士習為最盛逮入皇朝治教
 休明人材充彬彬焉縣故有學規制甚備至正
 十二年大盜竊發於河南而江淮閩粵繹騷不
 寧山谷愚民相挺而起侵軼縣境蹂踐民居兵
 燹之後惟夫子廟若魯靈光之巋然獨存識者
 知為天祐斯文之兆匪朝伊夕必有起其廢者
 今天子方慎擇守令惠綏黎元十四年夏六月
 今縣尹凌侯實來視象之三日用故事款謁于
 先聖禮成而退左右顧瞻徘徊太息曰學校之
 廢興長民者之責也我其敢不以為已任即命
 鉤考簿書徵理歷年瞻學田租在豪民黠吏之
 手者凡得米若干石資以召匠市材揆日庀事
 侯躬泣教護護屬功而課其章程縣人攝尉事
 葉弘道暨教諭李璿訓導傅子實皆悉力以相

建寧府志卷之十七 四六

五百九十九
 王富州

焉自禮殿論堂齋廡寢室至于門廡庖廩咸撤
 而新之崇其垣墻端其術道墜空甃甃黝聖髹
 形舉稱其度始於秋七月訖於冬十月而告畢
 工安神有位配侑在列範銅為祭器而他所宜
 有者靡不具完藏脩游息各適其所佩衿來集
 絃誦相聞饋膳之湏亦無乏絕侯既行舍菜之
 禮以落其城不遠千里俾諸生楊垚奉書走金
 華山中以記為請昔杜子美題詩衡山縣學稱
 陸宰以雅才新意脩儒服俎豆事於干戈之餘
 其辭逸出橫厲氣誼激烈數百歲之下讀之猶
 為之悚然侯下車之初即以興學為先務披荒
 殘植棟宇甫十旬決而畢潰于成其雅才新意
 視陸宰孰多乎竊觀魯人之頌僖公曰既作泮
 宮淮夷攸服固非衡山之事可同日而語也賢
 侯導宣上化以振起士類將見魯人之頌復作
 於今雖子美未易贊一辭矧以眇焉未學衰朽

諄眈猥令載筆爲之記何能鋪張偉績以昭示
千方來也哉姑序次其廢興之歲月云爾侯名
說吳興人大父祕書少監公夙任風憲父集賢
直學士公治郡有聲家學淵源所從來非一日
矣宜其爲政知所本而不
謬於緩急之序如此云

國朝洪武初有司奉詔脩飾永樂五年知縣曹惟
忠復脩葺之宣德間縣丞蔣繼成重建兩廡學
門正統十一年知縣張紳縣丞范秉和去故址
十餘步重建景泰四年縣丞張翥教諭張志倡
好義者重加脩治嘉靖改元提學副使邵銳協

建寧府志卷之十七 四七

張福員三百八

議巡按御史聶豹改遷今所文廟建於右明倫
堂建於左櫺星戟門齋廡衙舍煥然一新十二
年奉制建

御製敬一亭明倫堂之東內勒鑄五箴十四年僉事
王庭以儀門湫隘檄知縣黃金增買民基以益
之射圃舊在縣治東隅東麓宮之東今隨學建
立

壽寧縣儒學在治東

國朝景泰六年與縣治同時肇建中為大成殿前東西為廡前中為戟門又前為櫺星門殿後為明倫堂堂之前左為進德齋右為脩業齋兩齋之

南為諸生學舍堂後為養賢堂

附錄周序記

壽寧儒學之有

後堂計其成五年矣天順二年秋前教諭彭玘與序領命始來開設且以養賢名之今年春王大尹肅顧謂序曰賢者之居是堂也可無文以申其義乎因謂言曰序之承乏師席者慮無以副皇上養賢之心也惟我太祖高皇帝奄有四海為天下君迄今百年而民安物阜者蓋由烈聖紹述成功允迪至德養賢才敷政教而然爾嘗考頤之彖傳天地養萬物聖人養賢

建寧府志卷之十七

四

富州五百三十一

以及萬民大哉言也然天地之養物亦必賴有聖人裁成輔相所以至於鳥獸草木皆有養之道而況於民乎聖人之養民又必資於賢才承流宣化是以與之共天位食天祿俾施澤於天下此養賢所以養民也雖然今天下郡縣之學則必命以儒師擇其俊秀教之以詩書六藝之文導之以孝弟忠信之行授之以脩齊治平之術冀其有成以為用也抑非養賢及民之意歟壽寧雖新設之邑尤必首建儒學以厲風俗以張教化於是諸生之問學於斯朝焉而興於斯暮焉而息於斯誠荷皇上養育之恩也他日出而取科名登顯仕必使天下之民有以被其澤又足以見所以不徒名其堂也若夫堂之址在學宮之比其高以尺計者七為間者五其廣以丈計者八其深及廣之半而規模甚偉然則創造之功則憲副姑蘇沈公訥也不可

書遂主其事者僉事沈訥始終經理之者知縣為記

陳醇主簿史立正始領教事者教諭彭璉訓導

周序廩米倉在後堂之東成化間提學僉事周

孟中割分司西隅隙地為射圃而制猶未備

建安縣社學三一在興賢坊天王堂內一在叢桂坊以旌善亭廢址改建

坊紫霞州一在中和甌寧縣社學七一在尚書坊普照堂

坡一在尚書坊鏡架巷俱正德元年正月建一在尚書坊豆腐巷嘉靖元年建一在城

西移忠坊廢河泊所嘉靖十四年知縣應鳴鳳改建一在隆禮坊馬軍營圓通堂內一在

建寧府志卷之十七

四九

陳柏齡三

大中浦城縣社學五二在縣東隅二在縣西寺內一在縣治大市中嘉

靖七年知縣建陽縣社學三一在駐節門一在陳思謙建在同由里一在

三柱松溪縣社學四一在育秀坊一在慈善里一在崇道坊一在

永慶崇安縣社學三一在仁義坊一在美壽坊一在興賢坊俗坊一在興賢坊

寧縣社學一一在縣治東成化間在興賢坊知縣陳庠建

屏山書院在府城甌寧縣南紫芝上坊即故洪

山寺也舊在登俊坊元至正六年郡守趙鏞建

中有祠祀宋屏山劉子翬前人朱熹及其從子

珙配享蓋書院基實珙故宅也

國初改為建安縣儒學而祠子翬於戟門之右天

順八年知府劉越改建今所中為堂以祀子翬

配位如故堂之北構兩齋扁曰不遠復母不敬

南為門外立綽揆扁以舊額附錄劉越為記

年既作朱文公祠成一日到建安縣學見其前

門夾窰樓其塑像儒其尅服牌題曰屏山先生

劉文靖公予曰先生崇安五夫里人其遺像為

得留此教諭朱義對曰稽之前志建安學基本

先生從子忠肅公珙故宅元至大中以建屏山

書院中有祠祀先生以文公與忠肅公侑食

國初改書院為儒學祠因以慶而像僅存於此

予曰若爾不宜如是之隘也時推官胡君緝在

側聞而是之因言水南舊有洪山寺為尼所據

後尼坐奸罪還俗而寺遂廢然堂構尚存若折

移創置祠宇不過旬月之功耳往相度之其地

環山帶水幽邃可住前堂後軒上下俱完好無

壞其中惟存觀世音像耳即命僧移像於別寺

而區畫其間前堂四楹獨寬廣宜為祠後軒二

所俱高爽宜為書院皆若預成不煩改作惟闢

而名曰道源本所自也亭甫成造予有東廣之命劉氏群從請予為記嗟夫後世釋老之官尚借重於文字間以垂久遠今改寺為祠正所謂關異端崇正學其有關於人心世道不小也誠不可無記祠改於天順甲申秋九月記作於後三年十月刻記於石者劉氏之老成人曰善為之倡也曰錄曰清相其成也

正德癸酉提學副使姚鏞給銀

置田苗米伍石

坐落甌寧縣崇安里地名封嘉山計三畝三分三厘三毫

靖丙申分巡僉事王庭給撥上冲寺廢寺田土

苗米壹百七十石

坐落甌寧縣吉陽里等處計糧正耗米五石三斗五升

與屏山子孫劉煊等收租以供歲時家祭之費

及延師以教子孫之秀而貧者

環溪精舍在府城甌寧縣南紫芝上坊今改為

朱常齋先生祠

附錄 前代賢哲之故居遺蹟所以歷世久長閱廢興而

不遂泯者未有不由良有司之標表作興于其上亦未有不由其賢子姓敬承適追于其下公私相成彼此協贊然後功易集而事有可久雖中更世故不無衰歇而羊存識禮終克按蹟而修復之不然墜者日就漸燼間能興之旋即蕪沒從使人嗟惋歎恨于故墟耳吾於常齋先生城南之祠之興重有感焉先生之先微之婺源人世德弗耀政和八年先生始同上舍出身授建州政和尉父卒貧不能歸因葬其邑而游宦往來閩中始從龜山楊氏門人為大學中庸之

學調南劍州尤溪尉實生文公于其邑館歷監
 泉州石井鎮稅循左從政即紹興四年召試除
 秘書省正字丁內艱服除召對改宣教郎除秘
 書省校書郎遷著作佐郎尚書度支員外郎兼
 史館校勘歷司勳吏部兩曹皆領史職如故以
 史勞轉奉議郎以年勞轉承議郎受知于丞相
 趙忠簡張忠獻二公未及用而去秦檜以是忌
 之而先生方率同列極論和戎不便檜益怒出
 先生知饒州未赴丐祠祿樂建州城南溪山之
 勝築環溪精舍寓居徜徉終焉舍前溪沙相傳
 文公兒時畫卦所也陵谷變遷茲地鞠為榛莽
 國朝洪武初有僧造城南石橋構菴其上督工訖
 建橋局寺後增拓更方廣而精舍之名故在成
 化丙戌先生十世孫燉白于官僅復其西隅隙
 地正德壬申孫燉舉請于提學餘姚胡君鐸默
 其僧而移佛像于他所仍其菴載加葺理奉先

建寧府志卷之十七

五十一

再亥刊
五百九十八

生像于中堂而文公配焉啓象畫卦有亭養正
 有堂像設冠裳凜凜生氣而舊觀一旦光復矣
 然歲時秩祀尚為典嘉靖丁酉其十一世孫
 版曹副即陞復申請于提學貴溪江君以達檄
 郡覈實郡丞婺源汪侯玩署事實贊厥成遂以
 是年秋下建寧秩諸常祀廟貌靚嚴過者必式
 豆籩祝號牲帛粢盛一供有司視前有加末末
 無極矣夫精舍之墟數百餘年廢置不知其幾
 由成化丙戌修復以來迄今又七十餘載日營
 歲拓始克大備此固當踞諸賢留意儒先之盛
 舉而其後裔堂構之有人良不可誣哉夫一舍
 存亡若無係重輕者况先生位未甚顯而道未
 大行於時今其後人號籲圖復皇皇若恐弗及
 而上官相繼加飭指為第一義而不敢後者豈
 非以道學源流之地斯文之興喪未學之起墮
 靡不由之顧忍等為彌文細故而漫不加之意

哉抑先生眷眷茲地至居以終其身雖其并州故鄉之念亦以先壟所在有慕戀不忍遠去者是乃仁人孝子不忘本始之至情不獨以其地勝而已厥後文公奠居考亭迄今十有餘世族絲繁衍代有聞人遂望于闔寔啓自城南則夫文儒發蹟肇基之也又不可以尋常例視也朱氏後嗣其敬守之哉副即以予監等于斯亦嘗與相茲後徵言為記予不佞厠史氏後紀事責也乃不辭**建安書院**在府治北宋嘉熙二年守而承命**建安書院**至堃建以祀朱熹真德秀又並祠以立齋舍因室以營書院而以廖德明門人鄭師尹及蔡元定孫模典教事又建燕居堂於左以祀先聖郡守附錄王遂記 淳祐三年夏前建安太守王公移書今郡守王遂曰堃疇昔受命也上之訓辭曰游胡朱真流風未泯表宅里以善其民則子汝澤堃再拜稽首天子

建寧府志卷之十七

五三

樂再友五百十

之所以命者敢不敬謹入郡學則游公御史胡公文定之祀於鄉先生有年矣惟是朱文公聚學者亭之下其在周程猶孔子之得孟子元年春駕幸太學命撤王安石之祠而祀周程張朱則文公之宜祀也較然而真公退居遷陽十年篤意文公文學不下及門之士詔叅大政而沒賜謚文忠邦人所共惜也乃臨北津築祠以祀文公而文忠媿之並祠而立齋舍因室而營書院上許之山川明豁風日之清美可以迎前修而來後學其工役之大小興築之多寡則已戒吏而飭之費獨堃不及記其事而落其成微子無以遺後人曰初公之未奉詔也以廖公德明之門人鄭師尹為賢而開館迎之尤以蔡公元定孫模為賢而移書致之使校朱真二先生遺書會書院成請蔡君典教事其敬之者至而愛之者深矣適公入覲鄭以故歸蔡亦憂去士不

能不缺望後兩年項公寅孫攝府事因其不能
致者而致之公特居婺又以蔡屬遂既至請撥
田于廟以爲之食別築孔子禮殿於西而跌坐
以爲之祀而力未及也抑早歲幸讀之書長不
登於其門於文忠則嘗預聞乙亥救荒乙未得
士之盛其大經大法一言一行得諸心存觸諸
目擊今居是邦不能是師是學而徒欲發揚其
美何居抑聞之教學相長也道義無窮也前之
作者非有餘後之繼者非不足也道在天地間
亦各盡力求諸心而已自孟子後千七百載
之疑更諸儒講說之異文公不取諸言論之間
而驗之躬行之實不索之想像之末而察之議
理之精四書之訓爲世標準入朝三疏能動孝
宗之聽而不能不困於邪說之橫流求放心一
語先帝之所深知而不能不困於偽學之明禁
肆我聖上褒崇德原可謂建諸天地而百世以

建寧府志卷之七

五四

葉再友五百五

俟聖人也已文忠初年以言語文字受知當宁
布政方牧事業備然不幸讒說廢放退而講習
皆本文公衍義一書君人之集孃在焉所謂論
諫本仁義而煥如丹青者矣然二先生之門多
有著無非天理人心之正修已治人之方王公
已刊之祠宇而門弟子少有存者惟蔡君爲巨
擘誠帥諸生用力於四勿盡心於一貫持敬於
端莊靜一之中而致知於學問思辨之際雖師
亡而道遠學在而文存容詎知後之所作者又
有盛於今耶此聖上所以爲風厲之意王公所
爲屬念之深而尤有覬於四方之來學者也遂
以是操簡執筆而不敢以固陋辭洪武十九年
建安知縣余子恭徒書院于崇儒
坊府學而以故址改創知府廨舍
西山精舍在
浦城縣東隅宋嘉定十四年真德秀建爲講學

之所扁曰西山精舍中為講堂傍翼兩廊後為

拱極堂

附錄真德秀記○粵山之居故無堂歲

共極焉夜氣澄澈乾文爛然緬瞻辰極若在尺
只則整襟肅容而再拜曰此吾先聖所謂居其
所而衆星共之者也按天官書中宮天極星其
一明者太乙常居三公侍勞藩臣環翊璇璣玉
衡高揭衡峙文昌泰階森布輝映其垣為紫薇
其象為樞紐在人則廣朝路寢造命出政之廷
萬邦之所內面而觀仰也蒼龍主東赤鳥司南
於菟神龜儼列西北其舍二十有八其度三百
六十有五在人則九畿五服庶邦庶尹之位上
之所賴以幹方而作屏也吳穹無言示人以象
在上者欲其宅心正德秉綱執要以為四方之
極在下者欲其協恭和衷并志壹慮以同尊乎

建寧府志卷之七

五五

余三晉下

五位之極昔之君子迪簡在庭則惟主門是禪
受任于外則惟王室是衛出入不同此心也不
幸退而閑處則雖白駒空穀而金玉其音考繁
在陸而求矢弗斯誼也惟鄒氏知之故遲遲於
出畫屈大夫知之故離騷之作一篇三致意焉
用舍不同同此心也僕雖甚愚其敢忘諸嗟夫
在天之極曼隔層霄在我之極炳然方寸端乎
在我即所以對乎在我即所以對乎在天故無
愧吾心斯無愧吾君無愧吾君斯無愧上帝然
則共極之義豈外求哉繼自今惟朝夕欽欽猶
師保是臨志於元時地
斯堂庸以自箴

國朝洪武九年縣丞朱德昌因舊址重建以祀德

秀歲久復圯景泰元年縣丞何俊重脩而擇真

氏裔孫居之

附錄劉儼記○崇德尚賢所以化

天下之聞其風慕其道者且欲則而效之以不
克見為恨况生於其鄉流風餘韻猶有存者父
兄長老尚能道其詳使人感發興起而長人者
又克尊崇祠祀之則人孰不砥節礪行以景行
為賢以不肖為羞其於化民成俗之功豈小補
哉西山真文忠公當宋時以文學德義振動一
世理宗朝嘗著大學衍義一書上之所以示聖
學之淵源治道之根柢無餘蘊矣當時深見嘉
納進讀經筵然則公所言雖帝王且以為治心
修身之要正家正人之本况眾人乎况其鄉人
乎浦城公之故鄉也學之西偏有公家食時講
道之所曰西山精舍歲久頽弊且隘陋弗稱景
泰庚午金谿何君來丞是邑捐已俸新而大之
中為堂三間內塑公像前廊兩廡皆與堂稱而

建寧府志卷之十七

五

金五百三十二

廊多二間外為重門門之側為別室擇真氏子
孫之賢者居之以奉祀既落成未有記越三年
為景泰甲戌何君先陞是邑知縣大朝會京師
乃以記請予惟見賢思齊人之同心也鄉有大
賢如真文忠公其人固以仰慕不暇矣今其世
漸遠微言日踈而又有賢令尹崇作興之使人
瞻拜遺像凜然生氣其為士者以公為法日新
其所學處而隱者以公為法敦睦以齊其家出
而仕者以公為法忠敬以事其君而凡官茲土
亦因以感慕而自勵焉然後見公之化久而不
沒而何君作興之功為有徵也何君名俊字成
志高讀書明理故其政知所先務如此云

化十一年參議裴襄置田六十六畝以供祀事

令其子孫世守之

鰲山書院在建陽縣崇泰里熊墩唐尚書熊祕
建歲久頽圯 國朝正統十三年奉部符重建
復圯成化六年按察副使何喬新重建中為傳
衷堂以祀熊禾後為道源堂以祀先聖而配以
顏曾見孟先聖五十一代孫元敬書額左為朱
文公道義之祠劉珙書額右為南昌熊氏忠孝
之祠族子朋來書額前為門扁曰鰲峯書院成
化十五年知縣海澄重建二坊於門外左曰道

學右曰忠孝

鴈山書院在建陽縣禾平里宋紹興間游酢嘗
講道著書於此以面鴈山故名朱文公詩云

三
年來宿草廬五年三第世間無門前
鴈山常在只恐兒孫不讀書後廢

國朝洪

武二十四年嗣孫勉道重建為堂以祀酢前為
門扁以舊額又崇安縣建書院以祀酢亦名鴈
山 考亭書院在建陽縣三桂里唐侍御史黃
子陵建亭於此望先隴名望考亭宋宋松尉尤

溪時經此愛其山水清邃欲卜居未果紹興三年松子喜因先志築室居此五年以四方來學者衆復建精舍於所居之東以處之扁曰竹林精舍後更曰滄州精舍前為明倫堂又前為燕居廟以奉先聖慶元六年熹卒寶慶元年縣令劉克莊始闢祠祀之淳祐四年詔為書院御書考亭書院曰大字扁額十一年漕使史季温重建燕居廟元至正二十五年郡判母方逢辰重

建寧府志卷之十七

五

五

建縣令郭瑛又增闢之十一年復相與規畫增田至五百畝有畸供祀之餘以為師生廩餼名

曰義學

附錄熊禾記○周東遷而夫子出宋南渡而文公生世運升降之會天必擬大

聖大賢當之者三綱五常之道所寄也由文公以來又百有餘歲建考亭視魯闕里初名竹林精舍後更名滄州宋理宗表章公學以公從祀廟庭始錫書院額諸生世守其學不替龍門母侯逢辰灼見斯道之統有關於世運故於此重致意焉歲戊子侯為郡判官始克修復邑令古澶郭君瑛又從而增闢之乙巳侯同知郡事道謁祠下顧謂諸生曰居已完矣其盍有所養乎書院舊有田九十餘畝春秋祀猶不給候捐申以倡郭君適自北來議以克合諸名賢之胃與

邦之大夫翕然和之合為田五百畝有奇供祀之餘則以給師弟廩胎名曰義學田初省府以公三世孫沂充書院山長既歿諸生請以四世孫春襲其職侯白當路仍增置弟子員屬其事於邑薄汪君蒙且以書來曰養可以粗給矣而教之不可無師也謂禾猶速有聞俾與前貢士魏夢分教大小學既文屬禾記其事慨自過江來中州文獻欲盡自左丞覃懷許公衡倡明公學家誦其書人尊其道九所以啓沃君心栽培相業以開太平之源者皆公餘澤也方侯翔義學東平袁公壁適以臬事至閩訪求公後表公曾孫浚二子林彬于省長南溪建安之書院奉常齋及公祠又以考亭乃公舊宅懇懇為諸生小學入門之要尤以師道不立為憂既以金華陳君舉司文吳會於胄學徵藏書攷尋文獻且欲於此繼成公志以復六經古文為屬誠巨典

也而心有埃焉侯世以德顯其仕閩以仁為政道南七書院皆其再造也考亭西北有山曰雲谷晦庵在焉侯亦為起廢凡公墳宅悉從而表樹焉庶乎知為政之先務矣精舍創於紹熙甲寅前堂後室制甚樸實寶慶乙酉邑令劉克莊始闢公祠令燕居廟則淳祐辛亥漕使史侯季温舊構也書院之更造惟公手創不敢棟宇門庶煥然一新邑士劉熙實終始之義學之創興朱燮黃樞首帥以聽華躬孫葉善夫趙宗叟盱江季廷玉與有謀焉而厚帑瘠完墜茨以迄于成則虞子建劉實也賢勞皆可書

至正元年通守劉伯顏葺而

新之學士

附錄虞集記考亭書院在建陽城西五里其始末有熊禾記之陳義記

事甚大而倫然而賦入不充於廩稍而繕完不能無疏也至正元年辛巳通守劉侯伯顏至郡

且二年矣文雅樂善以學校之事為已任文公五世孫所以考亭之事告諸通守通守曰是吾職也乃輟羨積得中統鈔千五百緡以屬諸典史陳德敬共其事與山長朱汝舜直學張隆祖會邑人士而告以侯意於是翕然趨勸而新之首作文公祠堂所以部使者太守之命來求屏山書院記遂併考亭之記焉蓋嘗問諸所曰令考亭昔朱子之舊宅也其先吏部表齋之言曰言蓋至於晚歲而後能築室以成其志而終身焉於是百五十餘年矣意者精神鬼鬼之往來猶固懷於茲者乎子孫後進來學於斯者誦詩讀書求其志氣神明之所在嘉蔬之薦執事有恪高堂虛室若有聞乎其音聲瞻前忽後若有見乎其儀刑思其居處思其耆好思其言語露之沾濡焄蒿之升降觀感而化之者莫斯之為

建寧府志卷之十七 卒 四百九十年對林刊

近也况乎鄉之遺老宿師微言緒論家傳人道耳熱心存者誨言以相勉勗則有進有得而不自知其然者將在於斯矣昔者邠魯之風見聞于天下後世則亦密邇聖賢之居云爾吾幸於考亭見之

國朝永樂十四年圯於水宣德七年縣丞何景春

重脩天順六年巡按御史劉鈺顧儼命推官胡

緝改創中為祠堂前為明倫堂堂之左為常齋

祠附錄陳文記考亭故無常齋先生祠天順

壬午既新文公之祠矣後二年甲申知府劉鈺推官胡緝又因御史餘姚魏瀚副使三衢鄭佑意始創先生祠置賢閣既落成請記於予昔

周人郊祀后稷而推本其始生之祥曰厥初生民時維姜嫄以其有養民之功也今既重脩文公之祠而復祠祀常齋先生者其亦周人之意與周人以養民之利始后稷之播種而今之任風憲為郡之正佐者蓋以教民之經史終於文公而大明也追祀固宜

書院仍揭理宗御書於上移燕居廟於祠堂之前為

後俱翼以廊廡廡庖溷俱備燕居廟之前有池

池上有天光雲影亭久廢至是併新之事方就

緒鈺代去鈺兄鉞來守建寧遂踵成之少保附錄

彭時記○建陽之西里有地曰考亭實先生之故居也當其時四方來學者眾乃於居之後別

建寧府志卷之十七

空

樂府友誼

建滄洲精舍為講授之所厥後理宗尊顯道學御書考亭書院四字以揭之歷元至今屢脩屢壞天順壬午監察御史安成劉君鈺姑蘇顧公儼同過而致敬焉慨其弊壞欲重新之時推官胡君緝泣郡政首揭俸為倡先世八世孫洵出已助以為資於是興復如故中為堂前為廳事後為寢室左右附焉居之前舊有池池上所則於寢室亦已蕪廢至是併新之榜以故額亭中立石以半畝方塘一鑑開之詩刻焉事方就緒而御史劉君代去其兄鉞來守建寧力替其成又明年御史魏君瀚按治過之戒工亟完不旬月而工告畢至若經營於始則胡君之功居多也胡君馳書屬時為記竊惟建之考亭猶魯之闕里也孔子生於陬邑及長始徙闕里後世致瞻仰者惟以闕里稱焉先生生於尤溪晚乃定居

考亭則考亭之闕像亦重矣今諸君協於考亭書院之復者豈非以先生得孔子道學之正傳為萬世所宗仰而此其肇迹之地所當崇重而勿廢邪能勿廢之以復乎舊觀則先生道德之容儼乎如在其上者猶可想見也繼自今遊處於於是者尚當起敬起慕學其學心其心循其軌範以進於孔孟之門墻庶脩己者有其序治人者有其本而道德之成功業之建可斯矣夫如是然後無負於先生繼往開來之教也

因書此以告來學知所勵云弘治六年知縣張津置田三十畝以供祀事

同文書院在建陽縣崇化里今書坊宋乾道間朱熹建以貯圖書後遭兵燹元大德五年泉州

總管府推官張光祖重建歲久傾圮洪武二十七年禮部侍郎張智重建復圮正統三年提學僉事高超脩葺之典史廖榮又建前堂東廳今截洪武正韻勸善及諸官書板刻其中

雲谷書院在建陽縣崇泰里廬峯之巔宋乾道六年朱熹愛其山水幽邃名曰雲谷構草堂於

中榜曰晦庵

記見山川志

元季傾圮

國朝成化十七年按察僉事談俊捐捧令熹九世

孫格重建

廬峯書院在建陽縣崇泰里北峯下宋乾道間
蔡沉構精舍其下為講學之所寶祐三年理宗
御書廬峯書院四字扁之其孫公亮撥田三百
畝以贍來學元初田撥於豪右書院亦圯孫希
仁極力經理復所奪田為堂於中揭以舊扁堂
之前建尊道堂以奉先聖先賢別建二堂於尊
道堂前左曰傳心以祀朱子右曰思敬以祀西

建寧府志卷之十七

六三

新刊四百

山九峯

附錄成紀記○古者學校序之設所

學者將奚資故凡學校所資以養士也必有土
田官給之郡邑皆然或聖賢之子若孫自授田
贍學為國家教養人材誠義舉也亦書之簡牘
孰敢染指其間廬峯廩給之田實西山先生後
人國錄仁齋蔡公亮所置隸茲邑之東田等里
早晚田畝三百餘在屋園地山林俱備來學廩
給歲不匱革命初文事未遑其田為官若民有
力者撥之公克家子承奉雲巖公希仁慨書堂
之圯壞畝畝之不完祀典廢弛獨能不畏強禦
畢力經理逆復之仍廣棟宇增廩田至于今朔
望有課講春秋二丁有祀儒弁濟濟星聯雲集
視昔大有逕庭非二公之功而誰功昔魯定公
會齊景公屬吾夫子相數言而景公心恻謂魯
以君子之道輔其君於是悉歸所侵鄆謹龜陰

之田仁齋雲巖二父子學夫子之學而道君子之道彼安得不心作而復侵疆如文陽之歸乎彼以人勝此天勝其究也人豈能終勝天哉茲蓋二公為國家教養人材而果於謀長者也是宜祠以思敬名是亦所宜敬是不特於教養人材有功為可敬是舉也千百載而下為士者聞之亦莫不敬况其子歲久傾圮若孫哉故是為之記

國朝正統十三年奉部符重建天順七年按察副使鄭君佑提學僉事游君明建前廳廳之前為坊門成化十三年巡按御史尹仁建傳心堂十七年巡按御史徐鏞按察僉事談君俊建大門

建寧府志卷之七

六

三百四十三

又於坊門外立二坊左曰家傳心學右曰力扶道脉

寒泉精舍在建陽縣崇泰里宋乾道六年朱熹堊母祝夫人於天湖之陽遂築室其傍扁曰寒泉精舍淳熙中與呂祖謙編次近思錄於此

雲莊書院在建陽縣崇泰里太平山麓宋劉燾故居嘉定三年改建賜今額以教鄉人子弟中為堂扁曰近思後為祠堂祀燾前為門仍揭賜

額於上

瑞樟書院在建陽縣永忠里麻沙鎮唐時有開國公劉姓者卜居鎮南手植樟木大數十圍裔孫潯州大守劉中創樟堂書院與劉子翬講道其中而朱熹亦從子翬講學於此其後右史劉崇之又從熹講學於此書院久圯而扁額猶存國朝正統十三年奉部符重建復圯成化十八年提學僉事任彥常檄縣重建按舊志凡劉氏科第除拜其非必見于樟歷有徵驗故書以瑞樟名

建寧府志卷之十七

十五

劉三百五十七个

環峯書院舊在建陽縣治之西清宋儒黃幹建爲師友講道之所初名龜峰精舍後更名環峯精舍淳祐甲辰宋理宗表章正學賜立環峰書院御書勅額嘉熙三年詔立祭田元皇太子直金手書麟鳳龜龍四字表其堂元季縣爲陳友定所據書院燬於兵

國朝正統成化間歷奉禮兵二部勘合官爲脩理
各賢書院正德間知縣邵幽以書院頽圯且地
卑隘申請巡按御史汪珊議下提學副使胡鐸
分巡建寧道蕭乾元廼度儒學前半山庵址改
復中爲正堂蕭先生像以門人潘瓜山楊信齊
何北山饒雙峯配齊左曰尊德右曰凝道前爲
堂扁曰麟鳳龜龍又前爲大門仍揭以御書額
門外百武許有甘井覆亭扁曰半畝方塘沂源

流也嘉靖四年知縣項錫左右翼屋各四楹又
立儀門扁扶植道脉歲編門役看守九年巡按
御史施山知縣薛宗鎰買祭田二十畝以供祀
事十五年奉禮部劄今有司春秋特祭于書院
溪山書院在建陽縣崇泰里后山正德間巡按
御史賀泰即故址創建奉宋儒葉賀孫中為堂
立像以平巖葉采配左右翼以廊廡前為大門
嘉靖五年請戎御史楊瑞檄委縣丞陳松重修

九年分巡建寧道僉事張儉立左右二坊扁曰道學傳心曰斯文績緒十三年巡按御史方涯重建後堂并兩廡十五年巡按御史白賁撥弛安閩寺田租八十畝以供祀事

湛盧書院在松溪縣東湛盧山下宋朱文公祖政和尉森墓在星溪距湛盧二十里文公常讀書其上邑人因創書院以祀之歲久傾圮沒為釋子舍嘉靖丙申同知汪玩知縣黃金改復處

建寧府志卷之十七

六十七

三言全成廣

祭田五十六畝仍為坊山麓扁以今名邑人范諸壽陳騰復以祠宇未稱乃捐貲拓新之中建正堂祀文公配以黃蔡劉真四先生邑人陳聖

鎔蓋以田八畝事見重建湛盧書院

附錄捐法記。齊國

朱文公講道於建寧而楊羅李之道愈尊劉蔡之學亦顯其若黃若真若陳若李皆得以表于後世天下崇尚其道尊用其書凡師友游息問辯之地皆建書院起於文公之祠堂在縣治之右七十步至正十六年福建行省叅知政事阮公德柔同知建寧路時因其址而拓其中為講堂北為文公祠祠之南為展禮之庭堂之南為泮池而梁其上翼以兩廡又南為大門堂之左

爲燕居門之右爲興文神祠門之左爲參政公祠以面湛廬山故名曰湛廬書院明年閩海僉事般若帖木兒行部覆其事而嘉之俾請于朝二十二年得請而賜額明年署羅文諒爲山長遂來請記余嘉其請曰惟文公之道孔子孟之道也孔子孟之道二帝三王之道也松溪之人能服行文公之道唐虞三代之人矣今之書院昔爲祠堂不過朝夕企仰以致其慕而已今也則爲學宮有訓迪之師焉有講誦之友焉當求文公之微言粵論而推明之追文公之善行懿德而懋勉之日有所進月有所益庶乎文公之道在是而不負朝廷尊崇之實意與夫參政作興之初心何其幸也

文定書院在崇安縣興賢坊營嶺之麓宋簿廳

故元至正十一年縣令彭庭堅建左爲禮殿而配以顏曾思孟前爲櫺星門右爲祠祀胡安國而以其從子憲子寅寧宏侑食祠後有堂曰覽翠乃朱熹書祠之前爲兩廊中爲門又前爲外門揭文定書院四字年久頽圯成化初知府劉

鉞重建

附錄彭府記

崇安爲建寧望縣武夷

先生干學而文定書院則自元至正辛卯縣尹彭庭堅始建書院在今四隅里之興賢坊其制右爲禮殿奉宣聖及四子待坐像左爲祠蕭先生像居中而以先生從子籍溪致堂茅堂五

峯四君子配焉祠之後有堂前有重門翼以廊
蕪名其外門曰文定書院蓋以表崇先賢且欲
以待來學也其意美矣然歲久滋弊近雖有脩
葺之者而棟宇傾摧廩焉欲壓天順八年秋八
月建寧太守劉公行縣至崇安因入謁焉憮然
有感乃捐已俸率鄉貢士暨文國子生藍璣輩
各助貲尤材新之而命大使王仲董其事易朽
除腐飾漫漶以鮮潔規制雖仍乎舊而煥然一
新觀者為之起敬以是年十月始事越三月而
告成成之明年夏太守考績至京語余以其故
且屬記焉竊聞崇安自名縣以來忠臣賢士之
生多矣然道學之傳惟胡氏為盛泝其源淵實
自先生始蓋先生資稟絕異早聞伊洛微言於
游揚謝三君子而以講明踐履於家成其子從
俱為大儒遂啓新安朱氏東萊呂氏南軒張氏
之傳而道學益盛以顯至其平生著述皆有關
名教而發明春秋之功為尤大蓋春秋孔子之
親筆聖人經世之志在焉非若他經可以訓詁
通自左氏公穀以來傳註之行無慮百家意舛
辭僻卒無定說聖人之宏綱大旨往往鬱而不
明致使王安石詆以為斷爛朝報直廢棄之不
列於學官庸非聖經以衆說晦而安石無獨見
之明故邪先生自壯年即知服膺是經心領神
悟獨得聖人之精微當宋南渡時執經進講深
見獎重及承詔作傳乃參考百家一折衷之以
至理推闡微辭發明奧義其於扶三綱叙九法
抑邪說正人心與夫尊王賤霸內夏外夷之意
尤倦倦焉自是春秋之大義復明矣於戲周東
遷而春秋作宋南渡而傳義明先聖後賢千古
一心豈斯文與故自有其時歟鄉使安石幸而
生先生之後得聞其說將崇信是經之不暇而
何敢詆棄之邪惟其不幸出於先生之前不能

超衆說以有見是以得罪於聖人取譏於後世也然則先生之於是經誠可謂繼往聖於既絕開來學於無窮其衛道息邪之功於是為大矣我朝推崇先生列諸從祀誠萬世之公論而崇安乃先生鄉邑矧可無專祠以起後人之景仰也哉此太守所為盡心於書院而不敢後也繼今學者仰而瞻其容俯而讀其書一惟其道德言論是式是循庶幾進循業卓有成效然後無負於太守表章風勵之意太守名鉞字伏德世家安成為贈學士忠愍公之子浙江憲使鈺之兄父子兄弟相繼以春秋第進士而太守為政尤汲汲於重名節表風俗亦其學有所本且知所自云

屏山書院在崇安縣五夫里屏山之麓肇建於宋

建寧府志卷之十七

七

屏山書院四百六十一

國朝洪武二年忠顯公劉韜公世孫子長重建中堂為先聖燕居後堂為祠奉文靖公子翬左忠肅公珙右文公朱熹前為兩齋東曰不遠復西曰毋不敬又前為兩門揭屏山書院四字乃熹

親筆

附錄張樂記

○屏山劉氏自五季時有諱楚者由光州都督入閩生三子各擇居止

曰熬居麻沙曰幽居五夫之屏山曰幽居后山皆據山水之勝而屏山三峯疊翠潭溪澄碧尤為佳境三族益大以蕃惟屏山最貴且顯至九世諱齡者由科第歷仕郡牧至擢汴京留守金人圍城克盡死節褒謚曰忠顯長子少傳又捍禦西蜀卒謚忠定孫珙樞密障蔽江淮卒謚忠

蕭季子即屏山先生啓朱子之道學卒謚文靖
一門之內三忠一文名播南北勲銘鼎彝澤及
曾玄古今罕比也及有元之初載隆兵燹悉致
散處惟忠顯公八世子長卓然追念先世誅茅
薙荒搜訪陳迹首於故府之基重建屏山書院
復揭朱子所書舊扁於門前作燕居以祀宣聖
後作祠宇以奉文靖晦庵忠肅三賢遺像左齋
曰不遠復右齋曰毋不敬以所藏屏山文集傳
忠錄及方是閑文集重錄諸梓廣傳於世遂於
屏山右峰之下復創新居一所棟宇高敞簷阿
周密黝望甃砌粲然畢備扁其中曰忠文堂楮
間曰文安世家堂左曰勤室文靖公所書也右
曰安分文公所書也先代所賜御札鐫石揭之
屏間門之左塾曰讀書亦文公所書延師聚諸
孫習學其中舊有家園亭館十七景亦盡蕪沒
所謂桂巖醒心泉橫秋閣萬石亭宴坐巖之屬

漸復舊貫一日予特造訪焉因與覽其所乃謂
予曰余強為此冀彼後嗣守而勿替予盍為我
記之予曰深深者流長德厚者流芳此理勢之
必然信而有徵也凡祖宗脩德積善垂裕後昆
子孫者又當繼志述事以紹前人之休則可矣
成立之難覆墜之易豈不念哉今子長尋逐遺
蹤於數世之餘噓熾火於既微發枯枿於已瘁
使荆榛瓦礫之場一旦翬飛鳥萃突兀於眼前
而屏山之紫翠潭溪之清冷復光焉固可嘉矣
然三忠之勲業文靖之道德文章誠能仰慕企
及盡其修省之功出於流俗之表俾功名道德
匹休于前又豈不為繼志述事之大者乎尚其
最諸子長起而謝曰此規戒
之言是可為記遂接筆以書

武夷書院在崇安縣武夷山之五曲大隱屏下

宋淳熙十年朱熹建精舍

附錄歸元吉記

○武

勢雄深盤礴自漢以來見於祀事閩之諸山皆後出也其峯之最大者豐上而歛下巋然若巨人之戴弁綠隙磴道可登世傳避秦而仙者蛻骨在焉溪出其下絕壁高峻皆數十丈岸側巨石林立磊落奇秀好事者一日不能盡則則小舟溪而上號為九曲以左右顧視至其地或平衍景物環會必為之停舟曳杖徒倚而不忍去山故多王孫鳥則白鷗鷓鴣聞人聲或磔磔集崖上散漫飛走而無驚懼之態水流有聲其深處可冰竹栢叢蔚草木四時敷華道士即溪之六曲僅為一廬以待遊者之食息徃徃酌酒未半已迫曛莫而不可留矣山距驛道纔一二里許逆旅遙望不憚僕夫馬足之勞幸而至於老氏之宮宿焉明日始能裹飯命舟而溪之長復

建寧府志卷之十七

七

印甫五百七十五

倍驛道之遠促促而來遽遽而歸前後踵相屬也予舊家閩中兩官于建安蓋亦遽歸之一爾吾友朱元晦居于五夫山在武夷一舍而近若其後圃暇則游焉與其門生弟子挾書而誦取古詩三百篇及楚人之詞哦而歌之瀟灑嘯詠番必數日蓋山中之樂悉為元晦之私也予每愧焉淳熙十年元晦既辭使節於江東遂賦祠官之祿則又曰吾今營其地果盡有山中之樂矣蓋其遊益數而於其溪之五折負大石屏規之以為精舍取道士之廬猶半也誅鋤草茅僅得數畝面勢幽清奇石佳木拱揖映帶若陰相而遺我者使弟子輩具畚鍤集瓦竹相率成之元晦躬畫其處中以為堂旁以為齋高以為亭密以為室講書肄業琴歌酒賦莫不在是子聞之恍然如寐而醒而折隱隱猶記其地之美也且曰其為我記夫元晦儒者也方以學行其鄉

善其徒非若畸人隱士遁藏山谷服氣茹芝以慕夫道家者流也然秦漢以來道之不明久矣吾夫子所謂志於道亦何事哉夫子聖人也其步與趨莫不有則至於登太山之巔而誦言於舞雩之下未嘗不遊曾中蓋自有地而一時弟子鼓瑟鏘然春服既成之詠乃獨為聖人所予古之君子息焉者豈以是拘拘乎元晦既有以識之試以教夫來學者相與酬酢於精舍之下俾或自得其視幔亭之風抑以為何如也

堂曰仁智室曰隱求寮曰止宿齋曰觀善館曰

寒棲塢曰石門亭曰曉對曰鐵笛濱溪有釣磯

溪中有茶竈山客一日茅棟成居然我泉石

建寧府志卷之十七 七三 五百五富

我慙仁智心偶自愛山水蒼崖無古今碧澗日千里○晨窓林影開夜枕山泉響隱去復何求無言道心長○故人肯相尋共寄一茅宇山水為留行無勞具鷄黍○朝開雲氣擁暮掩薜蘿深自关晨門者那知孔氏心○負笈何方來今朝此同席日用無餘功相者俱努力○竹間彼何人抱甕靡遺力遙夜更不眠焚香坐看壁○倚筇南山巔卻立有晚對蒼峭矗寒空落日明幽翠○何人轟鐵笛噴薄兩崖開千載留餘響猶疑笙鶴來○削成蒼石稜倒影寒潭碧求日靜乘竿茲心竟誰識○仙翁遺石竈宛在水中央飲罷方舟去茶煙裊細香○出載長烟重歸裝片月輕千巖猿鶴交愁絕棹歌聲

子在孫鑑相繼葺而廣之部使者潘友文彭方

撥公田以贍學者知縣陳樵子重建

附錄王遂

學校未立而四書院已興名卿賢相多出其中
學之不可一日廢如此慶曆間詔州縣置學來
遊日衆孔孟之後傳說四起盈目而不流塞耳
而不能決者歷千八百年周程張朱核而別之
尊本朝安中國為功甚火士生是時始得其學
而又得其所以三代而下未有盛于此者也白
鹿岳麓東湖象山考亭建寧莫不有書院而武
夷諸峯山水清美神仙之窟宅隱君子之盤旋
作為精舍昔者胡劉之問難朱子之講學諸生
不遠千里而聚首執簡以寫天地之秘以發鬼
神之蹟皆在於此而大屏如故九曲猶在徒為
漁夫樵人之觀翫學士諸生固已隨其所學而
解散矣仁智有堂寒棲有館既已荒苔宿草蔽
蔭而蒙葺一言之教人誨於身者獨以為萬世

建寧府志卷之十七

七

友利五百七

之所宗仰嗣子侍郎在冢孫郎中鑑動來學之
思懷肯堂之念因精舍之舊葺治而廣大之士
人熊蒙正朴茂而恬靜不妄納交因委其居守
又詹樞好學而粹於文不苟於科第就命之講
說崇安後進欣然從之遊前使者潘公友文彭
公方撥公田以食之今大夫陳君樵子捐萬金
植大其規模以養以誨寒暑不替遂命致錢酒
以饋欲走山下以觀五曲之勝而未也夫虹
橋幔亭固騷人逸士之所動心而四經十傳志
得意悟乃於山林有取焉何哉爵祿軒冕非謏
聞寡見之能及游心於獨觀理於妙必有出於
耳目思慮之表遂老矣不能起文公於既往質
平生之所疑願與里之後生誦詩讀書以博其
所未至或者天子賜歸翱翔山中得以觀挹道
德竊載而歸是非大夫崇尚之意歟精舍立於
淳熙癸卯脩於淳祐甲辰為之者知縣陳君樵

子佐之者熊
蒙正詹樞云

景定間設山長以教邑士元因之後改山長為
教授以邑士詹光祖為之脩建一新至正二十
五年燬于兵

國朝正統間熹八世孫洵澍復建

附錄立錫記

昔文公朱夫子

於宋淳熙之十年辭使節於江東遂賦祠官祿
作精舍於武夷之五曲大隱屏之下與門人讀
書講道其中文公之繼往哲開來學之心至矣
精舍則五楹堂曰仁智左廡曰隱求室右廡曰
止宿寮又作觀善齋寒棲館石門塢晚對亭穎
川韓元吉記之矣淳祐元年文公封徽國公從

建寧府志卷之十七

七五

四百十卷四

祀文廟咸淳四年命有司廣其精舍建古心堂
於外元季兵燹鞠為茂草我朝之有天下有
司不以為意先生八世孫洵澍與澍慨然以繼承
為志適值朝廷復其家洵澍各出家貲重
建精舍經始於正統戊辰五月落成於是年八
月依考亭書院制仁智堂則立文公神主以文
肅黃公榦文節蔡公季通文簡劉公燦文忠真
公德秀配享左廡仍扁曰止宿前為廳扁武夷
精舍門庭齋館以漸而立洵澍二兄弟以予兩
預朝廷纂修而於文公諸書備見遂託以記
其事昔勿軒熊公之記考亭書院有曰周東遷
而夫子出宋南渡而文公生原道統之意真萬
世之確論也予何人斯而敢當其所託乎竊惟
道之大原出於天而賦於人人能弘道非道弘
人故篤生大聖大賢俾之以斯道而覺斯人庶
乎有以全其天之所賦行其率性之道立身於

天地之間而無愧於天地之心者也若吾夫子
 於群聖之經則刪之定之贊之述之而集群聖
 之大成者也文公於諸儒之書則取之去之考
 之正之而為集諸儒之大成者也夫子以前之
 群聖行斯道於當時而夫子則述之於後世者
 也文公以前之諸儒亦明斯道於當時而文公
 則傳之於後世者也斯道之明也猶斯道之行
 也非有功於人而實有功於天地也而洵澍兄
 弟於精舍出財力而能重建焉則其尊祖敬宗
 之心繼志述事之孝亦可嘉也已後之人能致
 其高山景行之思而備之治之則精舍之在五
 曲者豈不與武夷之山川同其悠久乎遂書其
 大槩以示
 於來者

南山書院在崇安縣武夷九曲虎嘯巖下蔡沉

建寧府志卷之十七

七六

仲夏刊

建為講學之所後人因建祠與其兄淵並祠之
 星溪書院在政和縣治之南正拜山下宋政和
 間縣尉朱松建元至正間邑人因為祠祀松及
 其子熹後燬于兵

國朝成化十四年邑人訓導吳憲白於提學僉事
 周孟中復建於舊址知縣沈倫建閣於其後扁
 曰天光雲影邑諸生楊曉輩又捐貲拓地構亭

扁曰光風霽月

附錄林雍記

○皇朝成化十五年
 勅提調福建學校

僉事及奉議大夫廬陵周公時可考課至政和八年
 縣邑之致仕教諭吳憲進縣誌言宋政和八年
 常齋先生由郡庠貢京師同上舍出身授迪功
 郎尉是縣建書院於星溪之南正拜山下以供
 職事之餘讀書觀理而養其高大之趣于以風
 化縣人子弟使知向學其書院歲久荒蕪廢壞
 謀厥址重脩建以成仰止之心以待夫有志學
 古之士而來居之分巡建寧道僉事河南高公
 鍾秀既悉贊襄之勤仍令知縣事承事即沈倫
 請文以紀其事雍顧不文將辭不敢乃惟是舉
 吾黨分內事烏可不盡其愚而已於言哉先生
 有俊才下筆語輒驚人肆力經史期為有用復
 復從游龜山楊氏門人側聞河洛之學益自折
 節以趨本實日用力於致知誠意之地辯義利
 察倫理孝於親而忠於君高志大節確乎不可
 尚矣故其子晦庵先生朱熹得為道學之傳而

建寧府志卷之十七

七七

五百六十六金

承先聖之統寔家庭之訓有以啓之也吾友周
 公時可自少有大志常以聖賢之學自期待於
 先生父子之道固已信之篤而契之深矣則夫
 藏脩之地而為愛惜宜乎其然也高公鑑此為
 風化攸繫非托諸文字無以昭示永遠其向善
 樂義之懿則所謂協恭和衷者也沈君克體周
 公之志於院之北建天光雲影閣奉祀晦庵先
 生而以黃勉齋劉雲莊蔡九峯真西山為配閣
 後開拓復建光風霽月亭以臨其上且贖民屋
 三間並帶曠地以竢周公擇朱氏餘派世守其
 祀則其中之所存亦豈俗吏所能彷彿哉抑學
 校之宮漢唐以來固所不廢惟所習者世俗之
 書所攻者進取之業竟不知聖賢大學之教為
 可重此白鹿石鼓星溪之廬所以又別有作以
 高其為學之志而自不混於時俗也洪惟太
 祖高皇帝建學造士以五經論孟庸學之典是

即二帝三王周公孔子以及程朱之道之在也
涵儒成就超越前古學者正宜盡心以求其至
亦不待於學宮之外有他求焉惟或思之不審
是以多有舍其所重而趨其所輕其能卓然以
聖賢備已治人經國濟世之道自期許者蓋亦
間見而特出也周公之為是則亦不能不為此
慮有望夫來學者深矣若謂靜處於斯不奪外
誘為可徒務博洽纂組之學以為折桂之資則
已悞矣凡我八閩之士宜亦有
聞而興起者以副周公之意

雲根書院在政和縣治西五十餘步宋政和間
縣尉朱松建文公歲時來謁祖塋必信宿于此
而去書院今圯